

太祖

神懿王后

神德王后

定宗

定安王后

太宗

元敬王后

列聖誌狀通紀

二

列聖誌狀通紀卷之二

太祖康獻至仁啓運聖文神武正義光德大王

健元陵神道碑銘

并序○丑四月○太宗九年已行狀不傳

天眷有德以開治運必先現異彰其符命夏有玄圭之錫周有協卜之夢由漢以降代各有之皆由天授非出人謀惟我太祖大王之在龍淵舊本作潛

也勲德既隆符命亦著夢有神人執金尺自天降而授之曰公宜持此正國夏圭周夢可同符矣又有異人來門獻書云得之智異山巖石之中有木子更正三韓之語使人出迎則已去矣書雲觀舊藏秘記有九變震檀之圖建木得子朝鮮即震檀

之說出自數千載之前由今乃驗天之眷佑有德
信有徵哉臣謹按璿源李氏全州望姓司空諱
翰仕新羅娶宗姓之女六世而至兢休始仕高麗
十三世而至皇高祖穆王入仕元朝而長千夫
四世襲爵咸能濟美元政既舊本無衰皇考桓
王還仕舊本作事高麗恭愍王至正辛丑紅寇陷王京
恭愍南遷遣使克復我太祖先登獻捷明年壬
寅擊走胡人納哈出又明年癸卯却逐僞王塔帖
木恭愍恃倚益重累官至將相出入中外樂觀經
史亶亶無倦濟時之量好生之德出於至性恭愍
薨異姓竊位權姦擅國濁亂朝廷海寇深入焚掠

郡縣洪武庚申我太祖戰捷雲峰東南以安戍

辰侍中崔瑩誅戮權奸過於慘酷賴我太祖全

活頗多瑩乃一本無以太祖為舊本有侍中仍

授右軍都統節鉞逼遣攻遼師次威化島倡率諸

將仗義旋旆師既登岸大水沒島人皆神之執退

瑩代以名儒李穡為左侍中方是時也權奸濁亂

狂悖構隙危亡岌岌禍亂莫測非我太祖轉移

之力一國殆矣穡曰今公舉義以尊中國然非

執政親朝則不可剋日如京太祖為擇諸子以

今我主上殿下與穡偕朝高皇帝嘉賞而遣

己巳秋帝責異姓為王太祖與諸舊本無將

相選立王氏宗親定昌君瑤盡心輔政革私田汰冗官羣情胥悅功高見忌讒慝交搆定昌頗惑焉太祖以盛滿請老而不得謝會因西行遘疾而還謀者益急我

殿下應機制變羣謀瓦解解洪武

壬申秋七月十六日

殿下與大臣裴克廉趙浚

等五十二人倡義推戴臣僚父老不謀僉同太

祖聞變驚起牢讓再三勉登王位不下堂陞而化

邦國非天啓佑有德疇克如茲即遣知中樞院事

舊本有臣字

趙胖奏聞

帝詔曰三韓之民既尊李氏

民無兵禍人各樂天之樂乃帝命也繼又有勅

國更何號即遣藝文

舊本有館字

學士

舊本有臣字

韓尚質

奏請又詔曰維朝鮮之稱美可以本其名而祖之體天牧民永昌後嗣繇我太祖威聲義烈升聞于上簡在帝心故當請命輒蒙俞音豈偶然哉越三年甲戌夏有構國家者帝命遣親男入朝太祖以我殿下通經達理賢於諸子即遣應命既至敷奏稱旨優禮賜還其冬十一月定都于漢陽營宮室建宗廟嘗已追尊四代皇高祖為穆王配李氏為孝妃皇曾祖為翼王配崔氏為貞妃皇祖為度王配朴氏為敬妃皇考為桓王配崔氏為懿妃修禮樂而蒞祀事定章服而辨等威興學以育才重祿以勸士辨析

詞訟慎簡守令弊政悉革庶績惟熙海寇來服四境按堵我王太祖巍蕩盛德真所謂天錫男智聰明神武雄偉之主也姦臣鄭道傳以表辭獲譴

帝庭陰謀拒命戊寅秋八月乘我太祖不豫之

隙欲挾幼孽以肆已志我殿下炳幾殲除以嫡

以長請建上王為世子九月丁丑太祖以疾

未瘳禪于上王上王未有繼嗣且謂開國定社

咸我殿下之績乃冊為世子庚辰秋七月己巳

獻太祖以啓運神武太上王之號冬十有一月

癸酉上王亦以疾禪位于我殿下遣使請命

永樂元年夏四月帝遣都指揮使高得等奉詔

印來封我 殿下為國王繼遣翰林待詔王延齡
等來賜 殿下袞冕九章秩視親王我 殿下奉
養 兩宮誠敬備至永樂戊子五月二十四日壬
申 太祖晏駕春秋七十四歲在王位七年老不
聽政十有一年弓劒忽遺嗚呼痛哉我 殿下哀
慕罔極諒闇盡禮奉冊寶上 太祖至仁啓運聖
文神武大王之號以是年九月初九日甲寅葬于
城東楊州治之儉巖山陵曰健元及訃聞 皇帝
震悼罷朝即遣禮部郎中林觀等賜祭以太牢其
文略曰惟王明達好善出於天性敬順天道效義
攄忠恭勤事大保恤一方之民我 皇考深嘉忠

誠賜復國號曰朝鮮王功德之著雖古朝鮮之賢

王無以過也又賜誥

舊本作詔

命謚曰康獻又勅殿

下賜賻特厚寵異之典備極無憾蓋我太祖畏

天之誠

殿下繼志之孝前後相承克享天心故

於終始之際大獲天人上下之助如此其至嗚呼

盛哉

首妃韓氏安邊世家贈領門下府事安川

府院君諱卿之女先薨初謚節妃後加謚承仁順

聖神懿王后誕六男二女

上王居二我

殿下

居五長曰芳雨鎮安君先卒次三芳毅益安大君

亦先卒次四芳幹懷安大君次六芳衍登科不祿

贈元尹女長慶慎宮主下嫁上黨君李佇非一李

也次慶善宮主下嫁青原君沈淙次妃康氏判

三司事允成之女初封顯妃先薨謚神德王后誕

二男一女男長芳蕃贈恭順君次芳碩贈昭悼君

女慶順宮主下嫁興安君李濟亦非一李也舊本無也

字皆先卒上王妃舊本配金氏今封王大妃贈門

下侍中天瑞之女無嗣我中宮靜妃閔氏驪興

府院君謚文度公諱霽之女誕四男四女男長世

子禔世子禔舊本次後改孝寧大舊本無君次

御諱世宗忠寧大舊本無君次幼女長貞順宮主下

嫁清平君李伯剛亦非一李次慶貞宮主下嫁平

壤君趙大臨次慶安宮主下嫁吉昌君權跬次幼

鎮安娶貧成事池裔之女生二男長曰福根奉寧
君次曰德根元尹益安娶贈門下贊成事崔仁科
之女生男曰石根益平君懷安娶贈門下贊成事
閔璿之女生男曰孟宗舊本作衆義寧君臣觀歷代受
命之君德業之盛符命之神輝映間冊流光罔極
今我朝鮮之誕興也盛德貞符于古有先是宜既
得其位又得其壽峙洪基舊本有而字流景祚與天地
而久長矣臣近濫承勒碑之命敢不竭精鉅張
盛德以垂耿光然臣筆力鄙拙不足以發揚盛美
稱塞明旨謹撰勲德之在人耳目者敢拜手稽
首而獻銘其辭曰天生斯民立以司牧迺長迺

治廼眷有德非天諄諄有命赫赫禹錫玄圭周夢

協卜惟我朝鮮肇基王迹夢有神人授以金尺符

籙前定天命

舊本
作心

昭晰麗運既終君昏相酷農月

興師大邦構隙我師

舊本
作旆

義旋罪人斯得忠誠上

聞帝心載懌曆數有歸輿情斯迫大業既成市肆

不易

高皇曰咨惟爾有國民無兵禍樂天之樂

繼賜國號朝鮮是復相地定都于漢之北虎踞龍

蟠王氣攸積宮室崇崇

宗廟翼翼仁深好生治

蔚思輯百度俱修萬化斯洽乃倦于勤傳付聖

嫡乃讓于功惟世惟及明明我后有幾必燭禍

亂再平其慶克篤開國定社咸我之績大命難辭

神器有托祗奉 兩宮虔恭愈恪孝弟通神 帝
眷尤渥遭喪惻惻哀慕踊擗 帝聞震悼遣使吊
哭大牢有祀厚賻有勅美謚褒嘉恤典備飭自天
佑之終始不忒景祚綿綿子孫千億宗祀悠長與
天罔極

吉昌君 臣權近 撰

碑陰記

恭惟我 太祖以至德豐功草創鴻業日勤于治
乃以失豫彌留禪位貽謀久享榮養於永樂戊子
春正月又不豫我 殿下至誠克敬祈天請命乃
得小瘳五閱月而又作薨于正寢以禮葬于楊之

儉巖山距京城二十許里山之來根於長白蜿蜒
二千餘里至鐵嶺折而西數百里停而峙焉曰白
雲又南逾百餘里北構而面南即儉巖也陵則
癸坐而丁向直陵之丙方四百二十一尺立石
以紀我太祖功德始終之盛既詳矣殿下又
以為開國功臣名氏當列于碑之陰其定社佐命
功臣亦皆應機定策以弘大我太祖創垂之業
者其并刻之用示不泯命臣季良識之臣竊惟
天之生大德以主斯民也必有股肱輔弼之臣奔
走先後開之於前守之於後然後大勲以集大業
以久我太祖之興也則有文武大臣灼知天命

實能左右啓迪

一本有之二字

定社於戊寅佐命於庚

辰亦莫非勲親良弼相與輔相克成厥功以永洪
祚是宜刻銘于石垂耀將來而我 殿下顯揚
祖烈褒獎勲臣之美亦當并傳而不朽矣

修文殿直提學

呂卞季良

記

開國功臣

義安大君和門下左侍中裴克廉領議政府事
趙浚上洛府院君金士衡安平府院君李舒漢
山府院君趙英茂奉化伯鄭道傳判三司事尹
虎興安君李濟青海君李之蘭星山君李稷漢
川君趙溫議政府贊成事南在寧城君吳思忠

判漢城府事鄭熙啓戶曹判書趙璞興寧君安
景恭叅贊議政府事張思吉宜城君南閭藝文
館大學士鄭摠知議政府事金輅伊城君孫興
宗玉川君劉敞平城君趙狷清城君鄭擢西川
君韓尚敬藝文館大學士沈孝生鷄林君金穉
判中樞院事李懃復興君趙胖漢山君趙仁沃
平海君黃希碩知中樞院事趙琦知中樞院事
金仁贊長城君鄭龍壽知中樞院事張湛寶城
君吳蒙乙南陽君洪吉敗東原君咸傳霖叅知
議政府事黃居正興城君張至和興原君李敷
叅知議政府事閔汝翼花城君張思靖瑞城君

柳爰廷完城君李伯由高城君高呂商山君李
敏道戶曹典書趙英珪判繕工監事任彥忠上
將軍韓忠

定社功臣

義安大君和益安大君芳毅寧安君良祐青原
君沈淙奉寧君福根領議政府事趙浚上洛府
院君金士衡領議政府事河崙議政府右政丞
李茂漢山府院君趙英茂兵曹判書天祐青海
君李之蘭漢川君趙溫戶曹判書趙璞安城君
李叔蕃叅贊議政府事張思吉鷲山君辛克禮
知議政府事金輅清城君鄭擢知中樞院事張

湛花城君張思靖中樞院副使張哲

佐命功臣

義安大君和完川君淑領議政府事河崙議政
府左政丞成石璘議政府右政丞李茂漢山府
院君趙英茂兵曹判書天祐青海君李之蘭星
山君李稷漢川君趙溫吉昌君權近漆原君尹
抵戶曹判書趙璞安城君李叔蕃吏曹判書柳
亮鷺山君辛克禮沔城君韓珪蓮城君金定卿
鷄城君李來漢平君趙洵義城君金英烈知議
政府事朴錫命麗山君金承憲鐵城君李原谷
城君延嗣宗潘城君朴嘗長川君李從茂坡平

君尹坤南城君洪恕豐川君沈龜齡叅知議政
府事黃居正麻城君徐益會寧君馬天牧漆原
君尹子當利城君徐愈瑞寧君柳沂平江君趙
希閔鷄林君李升商熙川君金宇永陽君李膺
原平君尹穆越川君文彬礪良君宋居信

誌文

太宗八年戊子十一月十一日乙卯遣左代言李慥下誌石

永樂六年五月二十四日壬申我太祖至仁啓
運聖文神武大王奄棄羣臣我殿下哀慕罔極
諒闇盡禮謹率羣臣奉上尊號以是年九月初九
日甲寅安厝于城東楊州治之儉巖村健元陵禮
也謹按璿源所自繇新羅氏以來世有達官累

仁積德以裕後慶逮 皇高祖穆王始仕元朝為

千夫長四世襲爵士卒樂附我 太祖少蘊器局

勇略絕倫豁達有濟世之量至仁好生出於天性

早事高麗恭愍王累官至將相出入中外累一作累

立大功以安國民行師整肅秋毫無犯大小百餘

戰辛丑之殲紅賊收復王城壬寅之走納氏庚申

之捷雲峰尤所稱道者也恭愍無嗣暴薨其臣林

堅味等專擅國政奪攘土田貪污無度舊本作道侍中

崔瑩憤行誅戮以我 太祖為守侍中從人望也

瑩又不學妄興師旅謀欲攻遼以我 太祖為右

軍都統使逼遣境上我 太祖與諸將議曰以小

事大古今之通義與其得罪 上國貽禍生民豈
若除去權臣以安一國乎乃與諸將仗義回軍執
退瑩以正其罪選立王氏宗親恭讓君盡忠匡輔
任用賢才革私田以正經界汰冗官以重名器立
經陳紀規模宏大前朝弊政靡不盡除中外民心
翕然歸附而恭讓昏迷多忌將謀不利洪武二十
五年壬申秋七月忠臣義士合辭推戴我 太祖
讓至再三迫於羣情勉登寶位遣密直臣趙胖聞
達 朝廷欽蒙 高皇帝聖旨許更國號以復朝
鮮之稱戊寅秋九月不豫內禪于 上王庚辰冬
十一月 上王亦不豫又禪于我 殿下進尊號

我太祖為啓運神武太上王春秋七十四歲在王位七年老不聽政以享榮養十有一年終始哀榮斯其備矣首妃韓氏贈領門下府事諱卿之女先薨追謚承仁順聖神懿王后誕六男二女男

舊本無男字

長曰芳雨封鎮安君先卒次上王我

殿下為第五曰芳毅為第三封益安大君亦先卒曰芳幹為第四封懷安大君曰芳衍為第六登科不祿女長曰慶慎宮主適上黨君李佇非一李也次曰慶善宮主適青原君沈淙上王無嫡嗣我中宮靜妃閔氏驪興府院君諱霽之女誕四男四女男長世子提次補孝寧君次

御諱世宗忠寧君

次幼女長貞順宮主適清平君李伯剛亦非一李
次慶貞宮主適平壤君趙大臨次慶安宮主適吉
昌君權跬次幼

吉昌君 臣權近 撰

開國頒教

太祖元年壬申七月二十八日丁未

王若曰天生蒸民立之君長養之以相生治之以
相安故君道有得失而人心有向背天命之去就
係焉此理之常也洪武二十五年七月十六日乙
未都評議使司及大小臣僚合辭勸進曰王氏自
恭愍王無嗣薨逝辛禍乘間竊位有罪辭退子昌
襲位國祚再絕矣幸賴將帥之力以定昌府院君

權署國事而乃昏迷不法衆叛親離不能保有宗
社所謂天之所廢誰能興之者也社稷必歸於有
德大位不可以久虛以功以德中外歸心宜正位
號以定民志予以涼德惟不克負荷是懼讓至再
三僉曰人心如此天意可知衆不可拒天不可違
執之彌固予俯循輿情勉即王位國號仍舊為高
麗儀章法制一依前朝故事爰當更始之初宣布
寬大之恩凡便民事件條列于後於戲予惟寡昧
罔知時措之方尚賴贊襄以致惟新之治咨爾有
衆體予至懷

後錄事
件不書

奉化君

臣

鄭道傳

撰

太祖皇帝賜國號後頒教

太祖二年癸酉二月十五日庚寅○是

年遣李恬賁
納高麗印信

王若曰予以涼德荷天休命肇有邦國向遣中樞院使趙琳奏聞于帝報曰國更何號星馳來報即令簽書中樞院事韓尚質請更國號洪武二十六年二月十五日韓尚質賁禮部咨文以來本部右侍郎張智等於洪武二十五年閏十二月初九日欽奉聖旨東夷之號惟朝鮮之稱美且其來遠可以本其名而祖之體天牧民永昌後嗣茲予不穀豈敢自慶實是宗社生靈無疆之福也誠宜播告中外與之更始可自今除高麗國名遵用

朝鮮之號屬茲初服宜示寬恩其在洪武二十六年二月十五日昧爽以前二罪以下已發覺未發言者以其罪罪之於戲創業垂統既得更國之稱發政施仁當布勤民之治

太上王上尊號玉冊文

定宗二年庚辰率世子百官朝于上

撰進之臣姓名不傳

德壽宮奉冊寶上尊號

維建文二年歲次庚辰七月朔甲子越六日己巳國王臣御諱稽首再拜謹奉冊上言應千齡而作之君肇開景運以一國而傳之子宜極尊稱茲率典

章庶伸誠孝恭惟太上王殿下勇智天錫聖敬

日躋武烈偉於濟時寬仁溥於育物斯迫輿情之

推戴以建王業之興隆方百度之維新遽萬機之

是倦庸釋大位傳付眇躬遂黽勉以恭承每祗勤

而惕勵欲彰盛德之至惟在徽號之崇率籲臣僚

舉行冊禮臣御不勝大願謹奉冊寶上尊號曰啓

運神武伏惟太上王殿下廓包容之度推覆育

之慈舊本體一大之曰天勿嫌強名之道莅萬姓

而為父永享多壽之期臣御誠歡誠忭稽首再拜

上言

修文殿學士臣權近撰

謚冊文

遣攝太傅禮曹判書李至攝中書令

漢城尹孟思誠獻謚冊實
于殯殿○哀冊不傳

創業貽謀實由大德易名定謚惟以至公祇率舊
章式薦徽號恭惟 大行太上王稟姿神聖秉心
寬仁值前朝衰叔之時克平多難膺上天眷佑之
篤肇造丕基奮武威於風霆昭文治於日月欽受
帝命更國號以維新達觀神都奠民居於有永
以啓我無疆之運實原於好生之心政先困窮恩
孚動植念叨承於艱大謂榮養於期頤何促駕於
寘天忽貽哀於擗地宜舉追崇之禮用伸歸美之
誠是撰休稱垂示來裔謹遣某官某奉王冊上尊

謚曰至仁啓運聖文神武大王廟號曰太祖仰惟
冲鑑俯諒精衷申錫繁禧保子孫於千億幽贊洪
祚與乾坤而久長

修文殿直提學

臣

卞季良

撰

成祖皇帝賜祭文

戊子九月二十七日壬申使臣以太牢行賜祭於文昭

殿上以表服迎入行禮

維永樂六年月日皇帝遣都知監左少監祁保禮

部郎中林觀賜祭于故朝鮮國王李

御諱太祖

之靈

惟王明達好善出乎天性至誠不貳昔在皇考

太祖高皇帝時敬順天道效義據忠恭勤事大遵

承朝命益久益虔保恤一方之民以臻富庶咸遂

安樂我 皇考深嘉王之忠誠特賜國號曰朝鮮
以伸寵異王功德之著雖古朝鮮之賢王無以過
也近以年高致位於子方當優游暮景乃遽云亡
訃音之來朕甚痛悼雖然人生世間有令名垂于
後有子孫繼其志歿亦何憾王作藩東土上能畏
天以事朝廷下能造福以庇一方之民名著於後
耿耿不磨王之子御諱太宗又能繼承王志欽崇天
命忠事朝廷畏慎小心遵承禮度不愆毫髮務致
和輯以福國人保有其業延于永世夫死生者古
今人道之常王雖亡復何憾之有茲特遣使以牲
醴祭王九原有靈庶幾享之

賜謚誥

戊子九月二十九日申戌使臣奉謚誥至王宮上以冕服迎入拜受

如禮以衰服行焚黃禮於文昭殿

朕祗膺天命統御萬方弘綏靖以洽人心表賢德而興治理四海內外一視惟公矧迺藩臣之良當茲殞歿之際必隆褒恤以示旌嘉故朝鮮國王李

御諱太祖

秉心克莊好善不倦奉我

皇考嚴畏天

事大之心守茲東藩務保境安民之道惟朝廷之是聽滋歲久而不渝攄忠紫極之尊覃福玄菟之地方當謝政以遂優閒竟不愁遺遽然長逝疇其勲行宜有褒揚謚法撫民安樂曰康行善可紀曰獻今特賜爾謚曰康獻靈爽不昧庶克歆承欽哉

祔 廟時樂章

太宗十年庚寅七月二十六日辛卯

嗟嗟 皇考佑命自天文謨武烈繼後光前於赫
在廟肇祀惟虔是皇是享于千萬年

撰進之臣
姓名不傳

宗廟樂章

於皇 聖祖適駿厥德仁綏義服神化隆洽憬彼
島夷及其山戎孔淑以懷莫不率從航之梯之款
我繹繹於赫厥靈邇安遠肅

隆化
初獻

咨農夫馭外侮交熾島夷縱噬納冠恣睢紅巾魚
休元餘孽負孽僧跋扈胡魁陸梁於皇 聖祖神
武誕揚載宣天威赫赫堂堂

宣威

愾我敵戒虎貔

鼓厥勇若翰飛動九天正又奇塘斧亢旋自縻竹

斯破孰我支耆定武神之為神定我雄我奮如雷

如霆胡堅莫摧胡險莫平連連安安奏我訊馘神

戈一揮妖氛倏廓無侮無拂祚我東國奮雄麗主

拒諫敢行稱亂我運神斷我師我返天人協贊順

應義旗載回順乃多助天休震動士女悅豫後我

寵綏壺漿用迎既滌穢惡東海永清寵綏○以上

撰進之臣姓名不傳

文昭殿樂章世宗十五年癸丑

桓桓聖祖受命溥將功光古昔符應休祥天人

協順奄有東方貽謀裕後惠我無疆桓桓曲初獻

維皇天監四國眷東民啓佑有德俾主神人熙熙
民物仰深仁麗運將終民罹禍殃東征西討寧四
方夢協符祥功蓋一時假我天命終難辭創業宏
模夏越古先昭哉來許永相傳肇修禋祀迄用有
成於千萬年致昇平

維皇曲
亞獻

繫東方阻海陸彼狡童竊天機偉
東王德盛肆

狂謀興戎師禍之極靖者誰偉
東王德盛天相

德回義旗罪其黜逆其夷偉
東王德盛皇乃懌

覃天施軍以國俾我知偉
東王德盛於民社有

攸歸千萬世傳無期偉
東王德盛

靖東方曲
終獻○以下

各室終獻
同用此曲

撰進之臣
姓名不傳

追上謚號王冊文

年 肅宗 九
癸亥

維歲次癸亥六月壬申朔十二日癸未孝曾孫嗣
王臣諱御謹再拜稽首上言竊以肇造丕基式享配
天之嚴祀加隆顯號庸薦盡日之寶章祇伸忱悰
曷既論讚恭惟 太祖康獻至仁啓運聖文神武
大王姿挺上聖運撫千齡掃麗季之荒屯無競維
烈膺皇天之眷顧適觀厥成既樹立之甚宏而啓
佑之罔缺肆當時節惠之典極後人歸美之誠第
念鴨江之義旗允符麟經之聖筆拯東土之民物
免為被髮之戎拱北極之 朝廷永作執王之國

風聲著聞於天下禮教興行於域中然大業未揭
於尊名故羣情咸願其追謚居貞而當位惇叙彞
倫制事而合宜戡定禍難照臨八表真同日月之
華涵育羣生實並天地之大惟此四字之崇奉庶
合百世之闡揚在後有增近稽 皇明之盛事以
多為貴上慰 列聖之孝思爰卜良辰載陳縟禮
謹遣臣議政府領議政金壽恒奉玉冊加上尊謚
曰正義光德仰冀冲鑑俯賜明歆誕受徽稱重複
重而何斁默贊洪祚新又新而無疆嗚呼哀哉謹
言

大提學

巨

南九萬

撰

承仁順聖神懿王后韓氏

齊陵神道碑銘

并序

太宗三年癸未十月○誌文不傳

自昔帝王受命而興必賴妃匹之賢侔德毓慶以永厥緒夏有塗山而啓能繼周有太姒而武丕承禹文配天之祀繇是有永猗歟盛哉惟我神懿王后天姿淑懿坤德柔貞早嬪龍淵弼成王業篤生聖哲垂統罔極神功懿範比古無愧獨惜夫大勲垂集仙遊甚遽太上開國而莫崇其壺儀二聖承緒而莫致其榮養山陵掩耀霜露增悲嗚呼慟哉初謚節妃陵號曰齊後加謚神懿王后置仁昭殿以安真容追崇之典已備舉矣我

主上殿下慟念 慈儀永閔孝思莫伸爰命有司
勒銘豐碑令臣近為文垂示萬世臣近承 命悸
恐不敢以辭謹按 后姓韓氏安邊世家皇考諱
卿贈忠誠恭謹積德毓慶輔理功臣壁上三韓三
重大匡領門下府事安川府院君皇祖諱珪仁贈
積善毓慶同德資化翊祚功臣特進輔國崇祿大
夫門下左政丞判都評議使司事兼判吏曹事安
川府院君皇曾祖諱裕贈純誠積德佐命輔理功
臣崇政大夫門下侍郎資成事同判都評議使司
事兼判戶曹事安原君皇妣申氏封三韓國大夫
人贈秉義毓德輔祚功臣崇政大夫門下侍郎資

成事同判都評議使司事判刑曹事元

舊本作允

麗之

女后生而淑婉聰慧異常及笄擇配來嬪于我

太上王初為將相數十年間出入攻戰靡有寧

歲后能竭力營家勉以成功又性不妬忌禮遇

妾侍克有多男教誨以義今我主上殿下睿哲

英武聖學日進年未及冠擢第春官當偽辛戌辰

之歲侍中崔瑩謀欲猾夏以我太上王威望素

著授以節鉞俾往攻遼太上王仗義還師執退

崔瑩代以名儒李穡中外晏然邦國永賴穡告

太上王曰當茲構釁中國之後非執政者親朝

帝庭則公之忠誠無以白於天下剋日將行太

上王謂稽曰吾與公一時並使國事誰任我擇一
子從公而行猶吾往也乃遣我 殿下充書狀官
特蒙 高舊本無高字 皇帝優禮而還己巳秋 帝又

降勅責以異姓為王氏後 太上王與諸將相議
立王氏之裔定昌君瑤為王先是權奸擅政殺懷
矯虔 太上王時為左相罷私田舉墜典弊去利
興百度俱新功高不賞德大難容讒邪交構浸潤
叵測定昌柔暗依違兩端 后乃憂勞成疾以辛
未秋九月二十三日薨享年五十五以禮葬于城
南海豐郡治栗村之原我 殿下廬墳欲終三年
明年壬申春 太上王西行昇疾而還 殿下來

侍湯藥羣邪抵隙謀傾益急我 殿下應機決策
討除渠魁兇徒瓦解定昌益憚秋七月十六日與
二三大臣倡以大義臣僚父老不謀而同合辭推
戴 太上王迫於羣情廼即王位市肆不易會朝
清明即遣使入奏 帝庭聯承 勅報既許王爵
且更國號以復朝鮮之美稱越三年甲戌夏 帝
乃遣使令朝親男 太上王以我 殿下通經達
禮最賢諸子命隨來使以行既至 帝與語嘉之
優賞遣歸戊寅秋八月 太上王不豫奸臣鄭道
傳等思擅國柄謀去諸嫡將立幼孽朋家聚黨禍
發斯迫 殿下炳幾先其未發誅除以燭申請

太上以嫡以長迎致

上王冊封世子曩倫既正

宗社載定九月丁丑

太上以疾未瘳傳位

上王庚辰正月逆臣朴苞等謀戕同氣誘掖懷安

父子稱兵向闕逆勢甚熾我

殿下率勵將士旋

即平定誅止苞身餘悉不問安置懷安不廢懿親

上王以未有繼嗣且其開國定社咸我

殿下

之績冊為世子以定國本秋七月己巳奉冊寶加

上太上王啓運神武之號冬十有一月癸酉

上王亦以疾遜位于我

殿下遣使請命明年辛

巳建文帝遣通政寺丞章謹文淵閣待詔端木

禮奉誥命印章來封我

殿下為王冬遣鴻臚寺

行人潘文奎來錫冕服秩比親王今 皇帝即位
誕告萬邦 殿下即命左政丞臣河嵩入賀登極
帝嘉忠誠事大賜以誥印還都指揮高得左通
政趙居任以今年夏四月來仍封為王秋九月又
遣翰林待詔王延齡行人崔榮來錫袞冕九章錦
段紗羅書籍 王妃冠袍錦段紗羅 太上王錦
段紗羅希世寵典先後還至蓋我 殿下功德之
盛實天所啓專付大東以延鴻休宜受 帝眷之
隆以膺天祿之永也肇基之迹雖自 祖宗篤生
之慶實繇 神懿噫嘻盛哉 后生六男 上王
居二我 王上殿下居五長曰芳雨封鎮安君先

卒次三芳毅封益安大君次四芳幹封懷安大君
次六芳衍登科不祿二女長慶慎宮主適資成事
李佇次慶善宮主適青原君沈滄上王妃金氏
今封王大妃贈左侍中天瑞之女我殿下配靜
妃驪興府院君領藝文春秋館事閔霽之女男長
元子提次三男皆幼女長貞順貞順宮主適清平
君李伯剛次慶貞宮主適平壤君趙大臨餘皆幼
鎮安娶資成事池齋之女生男曰福根奉寧君女
適少尹李叔畝益安娶贈資成事崔仁珩之女生
男曰石根元尹女適僉摠制金闕懷安娶贈資成
事閔璿之女生男曰孟宗義寧君女適宗簿令趙

慎言餘皆幼臣近嘗觀三代聖王后妃之德莫盛
塗奴載在詩書千古炳耀神懿之德誠可儷美

第以臣近學識膚淺筆力鄙拙雖極形容

舊本有
威德二

字

如繪天地曷能髣髴其萬一哉敢稽周雅大明

思齊之義謹述銘詞拜手稽首以獻其詞曰上

帝赫赫啓佑有德匪伊私之為民之極其啓維何

迺生

柔嘉來配于德允宜室家載震載育厥靈

是赫篤生

聖哲天人攸屬扶翊

聖父誕作民

主躬朝

帝庭保我邦土孽芽之萌炳幾維明廓

爾汎掃

宗社載寧功成克讓以尊嫡長彞倫既

正基勢益壯迺遭牆閼不忍致辟俾獲保全友愛

彌篤維德之隆維功之崇宜紆帝眷錫命綢重
明明帝誥煌煌金寶我龍受之萬世永保粵惟
王迹祖宗攸積誕我聖神繫繇后德臣拜
稽首獻辭不苟萬世昭垂天地永久

吉昌君臣權近撰

重刻碑附記今甲子十一月二十一年

嗚呼是惟我太祖康獻大王元妃神懿王后韓
氏齊陵也為甲坐庚向太宗癸未二月吉昌君
臣權近撰進碑文甲申二月建中值壬辰之後只
有誌狀中所載其文矣今上十七年辛酉道臣
有以重豎舊碑為請者而時詘未遑甲子宗臣中

言之遂命有司具新石刻舊文宗伯掌其禮司徒
庀其事仍命臣宜顯附識其下臣謹拜稽首而言
曰歷累百載闕典始修而聖后夾贊化家之偉
烈因是益彰我聖上追遠之孝又可以仰窺一
舉而衆美具焉猗歟盛哉

奉朝賀臣李宜顯撰

追上謚號竹冊文

太祖七年戊寅九月十一日
太宗受禪十一月十一日

癸未以右政丞金士衡為奉冊使政堂文
學河崙為副使獻冊于文昭殿○按
太祖即位夜追謚節妃而冊文不傳

禮莫大於正名誠莫重於報本率遵譔辭之典敢
修定謚之儀恭惟我聖母韓氏氣鍾天和道符

坤順表正人倫之本永孚于休弼成王化之基克
昌厥後但以繼嗣之未定而致名位之有差伏念
臣猥以庸材茲承景命克平奪嫡之亂豈有他哉
實賴在天之靈以至此耳爰曆日辰之吉特陳
邊豆之蠲宜薦丕稱答揚休烈是用遣某官某謹
奉冊上謚曰神懿洪惟冲鑑俯諒精衷啓我後人
以祚永世

臣李詹職名未考撰

加上謚號王冊文

六日太宗八年戊子九月初六日辛亥加上尊謚即

太祖諡辛卯前一日三十一年辛卯六月初

王冊以資成事李
天祐為奉冊使

永念至恩不勝感愴追贈徽號惟極尊崇祇率舊
章用申孝懇恭惟 稟姿神懿秉心順承德協乾
元若塗山之配禹道全恒吉齊太姒之母周嚴教
子之義方篤逮下之仁惠伏念猥承厚澤嗣襲丕
基爰卜良辰式陳縟禮伏惟伏惟二字疑衍謹遣某官某
奉冊上尊謚曰神懿據實錄事官當曰聖神懿王太后此恐缺脫
仰惟昭鑑俯諒精衷衍萬世之本支綿億年之歷
服

修文殿直提學臣卞季良 撰



五言古詩
二

三
十
五



順元顯敬神德王后康氏

告訃後

太祖皇帝慰勅三

月太
初六
八丁
日丑
辛酉

叅贊門下府事安翊同知中樞院事
金希善藝文春秋館學士權近貴至

使者至聞王首妃康氏薨嗚呼甚矣哉王必晨昏
眷戀不能自己為何昔化家為國勤勞內助母儀
三韓非康氏者誰今也人亡迹在此非眷戀不能
自己者乎况昔存時王當宵衣之際康氏數更而
省之盱食勤勞康氏節之而以奉歲月視朝之時
康氏率宮嬪以送日暮也康氏率宮嬪秉燭而迎
以歸寢處今也康氏長往鸞臺之清鏡不張王晨
朝稀人而送暮歸寢處顧問杳然但目宮嬪侍兒

撫棺唏噓淚之不已者傷如之何嗚呼殯葬之後
歲月如流青蕪蔓塚狐兔往來乎其間旁近喬木
老幹崢嶸日將暮也飛者比翼而棲于高柯樹因
風而嗚嗚咽咽幽陰之澗水潺潺然而有聲人靜
更深野郊寥寥然而寂寂蒿里之神遙歌於莽蒼
當此時也首妃康氏神魂有知遙望宮闈寧不悽
愴於宵漠之間若此王其懷之乎戀之乎康氏往
矣王當自重故勅

貞陵願堂

興天寺

記文略

丁丑

惟洪武丙子秋八月戊戌我小君顯妃康氏
薨上心傷悼命有司追謚尊號曰神德王太

后卜葬得 王宮之西南數里之近岡巒朝抱

風水應吉越明年丁丑正月甲寅葬于貞陵

云云

九月丁丑 上命召臣近若曰予在潜邸勞動

中外暨化家為國之日惟神德內助寔多及莅

萬機亦勤規益奄爾遷逝箴言莫聞如失良佐

予甚悼焉

云云

臣近拜手稽首言曰自昔王者受

命造邦亦莫不有配匹之賢以助其德故王化

之行咸繇內始夏之塗山商之有莘周之任姒

簡策稱美輝映千古恭惟我 神德王太后天

賦貞嘉躬行節儉夙彰坤順克配乾剛孝敬盡

於 宗祀禮式著於閨門正始基關雎之化逮

下得樛木之仁夙夜匪懈警戒無違不溺宴安
不聽私謁裨贊王業篤生元良以翊一代之興
以立萬世之本淑行懿範誠無愧於古之賢后
矣宜享斯祐而遽然棄世王顏永閼香魂
莫追宸心慟壺政之虧臣庶嘆母儀之缺禕
綸韜光山陵掩耀雲愁月慘滿目而悲嗚呼痛
哉然而賢德彰徹遠聞上國天子是悼賜勅
吊慰哀榮之典可謂備矣竹帛之編金石之勒
實可與塗華任妙之烈比賢並德流耀罔極顧
臣詞拙不足以摹寫萬一承命戰悸罔知攸措

花山君

臣

權近

撰

貞陵告遷祭文。

○

太宗九年己丑二月
新舊廢誌文不傳

維幽明之故兮理雖一而分則殊神道貴乎清淨
兮豈前言之或誣稽諸古以迄今兮無墓藏於國
之都禮官執此以進言兮大小臣僚之與俱茲卜
宅以青烏兮得於城之東北隅水洊洊而演漾兮
山靡靡以盤紆置玄宮固其所兮孰云近夫塵
區擇日吉余告遷兮羌致酒以一斟冀淑靈之
昭格兮叙悲忱以嗚呼

修文殿直提學

臣

卞季良

撰

追祔事實

顯宗十年己酉正月二十六日庚申行判中樞府
事宋時烈劄曰伏以為天下國家者不過曰明
大倫立大法而已所謂大倫者父子君臣夫婦
也所謂大法者所以行乎三者之間者也斯三
者一有不明而所以行乎三者之間者一有未
盡則中國淪於夷狄人類入於禽獸故聖人之
所以自為與教人者蓋莫不以是為先也 本
朝自立國以來三綱正五常明一變勝國之胡
俗克升三古之大猷故 皇朝之人每稱以小
中華斯真實語也不幸開國之初姦臣鄭道傳
等煽動危言密行邪謀以致 太祖大王弊徒

天位昭悼二公天闕永年姦臣之罪可勝誅哉
惟我太宗大王盛德純孝度越前古堯傳舜
受秩然有序其所以處變之道無憾於當時而
有辭於後世也獨惟神德王后陵寢之儀有
損配侑之禮久缺此不過當時禮官不識禮義
妄相忖度以致如此而因循苟且以至今日則
清廟之上雖有朱絃疏越之樂玉璫黃流之薦
太祖大王之靈想必盡然傷歎赫然震怒而
太宗大王亦必瑟縮不安憂遑罔措於陟降左
右之際矣兼且一國臣民亦莫不致疑聖子
神孫不能以太宗之心為心也何幸今日

聖孝出天所以承事 大王大妃 王大妃者
盡誠盡道人無間言推之於追遠之厚永惟本
始特命禮官奉審 貞陵木顛而壓者即行除
去而守官齋舍次第建置豈但 宗靈慰悅於
冥冥而宇內含生無不感涕咸仰 聖孝此豈
利誘而威脅哉此天理之在人者不期然而然
也然而 廟享之儀猶且遲疑臣固知 聖意
有在故臣請令禮官儒臣追考故事博詢輿論
而行之矣既而思之 陵享廟食禮有異同而
彼存此廢事蔑經據既曰非禮則五十步不懸
於百步也如論其至則盡美者不若盡善也臣

日夕懊惱如火在抱矣今見聖祖朝太學生
疏章則當時廷議之齊發而其言甚詳且切又
臣竊見權近應命所製貞陵興天寺記文
則太祖大王悼念追謚之意太祖高皇帝
賜勅吊慰之典可知矣此故事也輿論也不待
考且詢而已無所疑故敢以繳納伏乞殿下
於燕閒之間詳賜觀覽特令禮官並議廟享
之儀則太祖大王之靈想必歡翕於上而
太宗大王亦且曰予有後能繼述志事矣而必
有子孫千億永錫爾類之慶矣嗚呼自生民以
來未有盛於夫子而夫子將為衛政則以正名

為先始為魯政則溝昭公墓而合之蓋以大倫
不明大法不行則雖聖人為政不可以為國故
不得不以是為先也伏乞 聖明深留睿意焉
二月初五日戊辰副提學李敏迪應教南二星
校理尹深李奎齡副校理金萬均修撰洪柱國
副修撰金萬重等劄曰伏以天下之事固有廢
於前而舉於後者亦有屈於一時而伸於萬世
者特視其事之是非當否而已古昔帝王雖以
周漢之盛制作備具而遺文闕典猶有待於後
王之追舉如成王之致隆先公武王之所未行
也漢世宗廟之制多所更定於韋劉諸儒之議

此所以成其志述其事而為大孝之原也故人
情之所不能安者則不可以事在久遠而有所
廢沮天理之所不容泯者則不可以祖宗之所
未行而有所持難此事理甚明歷代之通誼也
今者神德王后陵廟之議大臣已發其端而
聖明亦且有感於其言矣園陵之制置官備物
將比諸陵聖人廣孝孰不欽仰但伏聞筵中
聖上以廟祀一節尚有持難之意臣等伏念
神德王后當神懿王后上賓之後值聖祖
化家為國之日受天子之誥命享一國之母
儀正位中壺積有年紀今以先儒李穡所撰

定陵碑考之亦曰先娶某氏後娶某氏非有元
次之別而權近所撰興天寺碑可見其受封正
位之實狀矣且龍飛御天歌成於世宗朝而
亦書以神德王后則位號未替此又明驗豈
待更有考據而後可知哉至於昇遐之後上
號獻謚不廢於禮官享祀儀祝猶存於香室
太宗大王親傳香祝其位號祝式之尊隆到今
不替園陵石物之備設亦極崇奉生為正妃
沒膺尊號受命於中朝配體於聖祖則獨
不配食於太廟者豈非不安於人情大乖於
天理為聖朝之闕典成千古之遺恨也臣等

未知其時議禮之臣何以繆盭至此而事有難
知不必追講其得失矣 宣廟朝辛巳年間大
臣三司亦嘗建請而縟禮未舉以至於今日事
固有待此誠 聖朝今日之責也 昭陵之復
經歷 累朝始行於 中廟之世則未嘗以
祖宗之所未行而持難也又未嘗以事在久遠
而廢沮也雖以古事言之漢唐以來宋氏家法
最稱純正而元祐皇后之復號程子是之况今
神德王后尊號未替 貞陵儀物尚存王章非如
昭陵之改封元祐之復位為重且難也只是追舉
闕典更進一節備極情文而已如此然後方可

合於天理而順於人情矣凡國家典禮雖關係至重而或有所未暇焉或有所不及思焉經數百年未克舉行則猶有可諉至於論議已發羣情難遏則不可不揆度義理斷而行之也請令大臣禮官速為議定以完大禮執義申命主司諫朴增輝持平申最任相元正言魚震翼等啓曰禮有宜舉於百世之後事有重光於千載之上者苟可重光不宜以前代之未行而少或疑難在所宜舉不可以其事之至重而終乃廢缺是以周太王崇奉之典始行於成王之時宋孝章追祔之禮亦在於累世之後豈非禮有所宜

舉故行之而莫難事有所重光故斷之而不疑
耶臣等以神德王后祔廟之論三司交請
已浹數月而天聽日邈俞音尚闕實緣臣等
誠意淺薄不足以動天而以殿下聖明之德
仁孝之至何不深思義理之正亟允羣情而乃
反遲疑慎重若是之過乎臣等竊不能無惑焉
恭惟神德王后生既母儀於一國沒當廟
饗於百世者度之天經準之地緯實不易之定
禮也不幸神懿王后禮陟於龍潛之日而及
聖祖開創之初神德受天子誥命正位中壺
積有年載則祔禮當否豈所容議者哉只是當

時議臣見識舛謬不知義理之當然終乃至此
究厥所由寧不痛恨乎以言乎太祖之篤念
則廡儀寶冊禮隆陵寢而每稱其良佐追惟乎
太宗之誠孝則祇奉禋祀親傳香祝而益盡其子
職於戲其為死生之恩存歿之奉終始若斯則
獨此祔廟之未遑者夫豈祖宗之本意也
伊時祀典之減陵制之殺皆出於禮官之所
誤而以貽宗社之羞者迄今三百年矣幸賴
我聖上誠深追遠惕然感發因山舊儀一
命盡復而闕宮正享猶獨闕然則豈非大欠
典乎或慮禮有重大不欲輕改而然耶抑以事

在祖宗恐涉追議而然耶是大不然夫失之
微細者猶可少忽關於重大則尤不可不急責
歸聖躬者猶可少緩涉於祖宗則尤不可
不先也殿下何不念及於此耶陵名徽號
尚今不替儼然母道百世猶存至于今日升祔
之典終可廢闕乎嗚呼此論始發於宣廟之
朝而宣廟朝所疑難者既已盡許則獨於祔
廟一節如是堅持者果何意耶殿下誠若夫眎
乾斷亟舉縟儀則不但母后幽冤可洩於九
地之下祖宗在天之靈亦必悅豫於冥冥之
中此非禮之宜舉事之重光而大有慰於祖

宗者乎今 殿下初不始事則已既已封 陵
而建閣矣亦且置官而灑掃矣如是而獨寢祔
享叅以禮節斷無是理請加三思更勿留難亟
令禮官議定 神德王后祔 廟之禮二品以
上會于賓廳啓曰 神德王后祔 廟之請即
舉國上下公共之論也三司之臣援禮而爭之
韋布之士據經而陳之豈不以存而毋儀一國
歿而 廟饗百世乃天地之常經古今之通誼
而事關 宗祏不容小緩者耶此理皎然如日
星雖愚夫愚婦亦可知之以 殿下之明聖非
不洞燭乎天理之所安人情之所在而持難至

今者無亦以所係重大有難輕舉也耶臣等之意則有不然者事既重且大則尤宜速行決不當留時引日以違天理而拂人情也臣鄭太和臣許積等頃於前席備盡陳達合司連啓亦已久矣而日佇俞音迄未有聞焉臣等於此益不勝悶鬱茲與諸宰共詣賓廳同聲仰籲伏願聖明快從羣情亟命禮官速完神德王后祔廟之禮八月初一日辛酉朝廷請領議政鄭太和行判中樞府事鄭致和等率百官啓曰臣等與諸宰來會賓廳苦口力請者已過累日而每奉聖批只以不允為教此實臣等誠意淺薄

文字短拙不足以感動天聽之致也臣等聚首環顧尤不勝惶愧悶鬱之至今此神德王后祔廟之舉不但質諸天理而當然參以人情而不悖誠古今天下不易之常經也三司之臣逐日論啓韋布之士相繼陳章一國公共之論此可見矣豈以殿下之聖明有所未燭於天理人情而強拂輿論至於此久耶噫聖明持難之意臣等亦非不知而事係宗祏禮闕經常臣等不得不以得請為期而不避瀆擾者也况殿下於復陵寢建齋閣等事既已斷然快許而至於祔廟之請獨有所持難此羣

情之所以愈往愈激者也臣等茲率百官咸造

大庭復此號籲伏願 聖明亟賜俞音速行祔

廟之禮以答神人之望

自是逐日連啓

宗室庭請啓曰天

下有不可易之大倫有不可抑之公論大倫不

正則天理至於泯滅矣公論不張則國脉無以

維持矣今此 神德王后祔 廟之禮三司交

章韋布抗疏以至百僚同聲論列不已其大倫

之不可易公論之不可抑業已 聖明之所洞

燭而然猶牢拒羣情強拂羣心者何哉豈非事

關 祖宗不敢輕舉而然乎臣等竊伏念 神

德王后之於國初 體配 宸極母儀一邦則

其在太祖匹耦之禮正矣香祝親傳園寢
有號則其在太宗尊奉之道亦至矣當初減
殺之議決非太宗之本意而一二議臣別生
謬見倡為邪論使太宗不得終其孝此有識
之士所以歎息痛恨有不容自己者也噫禮無
貶上之文經有光前之訓當初貶損藉曰太
宗之欠典在今後嗣王所當大警厥心思所
無愆汲汲焉如將不及况此貶損之舉元非
太宗之本意而特出於議臣之謬見者乎殿
下若以為茲事之廢缺已久而列聖亦未之
行至于今日未可遽議則此尤不然天下之事

惟在義理之當否而已前代之不行有不足論也臣等不必遠舉前古之事試以本朝之已行者言之昭陵廢墜既歷成廟未及脩舉而逮至中廟始命復陵神人胥悅祖烈重光我祖宗仁孝之德可法者亦多矣今殿下不此之效而徒取未遑之墜典曲守無改之小節耶此誠臣等之所未鮮也以殿下之明聖其於今日之事義理已明是非已定陵寢儀物一復舊制其所未行者特升祔一節則臣等忝列宗班義同休戚那不以貧我殿下繼述之孝也哉茲敢瀆冒宸嚴仰貢朝廷之

請伏願 聖明上體 太祖 太宗之本意追

正一二議臣之謬見俯賜俞音亟舉盛禮使二

百餘年未定之倫紀到此而復正一國方張之

公論到此而一伸則不勝幸甚

時藝文館奉教趙師錫等陳劄

監察韓公浚等亦上疏論之

乙丑領中樞府事李景奭領議

政鄭太和左議政許積等率百官啓曰今日所

爭乃百世不易之常經而義理之正曩倫之重

前後已備陳矣昨承 聖批又以不允為教臣

等不勝悶鬱之至義理之當然公議之大同

殿下亦已下燭而猶以慎重為主不即允許者

何也 聖意之所以慎重者謂之以事在久遠

而難於輕改則重建寢閣亦是行前代所未行之事也何獨於祔儀持難謂之以事係祖宗而嫌於追議則攷諸實錄亦可見其非出於祖宗之本意也其於追改欠典亦何嫌之有哉陵制廟儀本無異同而將次第應行之典視猶是非可否之未定者然此臣等之所以疑惑者也臨事慎重雖是聖人詳審之道而於事之無疑者過於慎重則其亦異乎易所謂乾斷夫決之義矣伏願聖明更勿留難亟舉縟儀以慰神人之望答曰慎重之意終不可自是卿等之請又至於此舍已勉從依啓辭施行庚午禮

曹啓曰 神德王后忌辰既以今八月十三日

議大臣定奪矣 本陵忌辰祭以此設行事分

付各該司之意敢啓 傳曰知道以權近所記

語考據實錄推算曆法定以是日

追上徽號王冊文

顯宗十年己酉○按實錄太祖元年壬申八月

初七日丙辰冊封顯妃額堂記薨年丙子追謚神德而兩冊文不傳哀冊亦不傳

維歲次己酉九月辛卯朔二十九日己未孝曾孫

嗣舊本王臣御諱謹再拜稽首上言竊以彞章久闕

茲脩登配之縟儀顯冊追隆聿舉揚烈之曠典

先王之志是繼我家之禮亦宜恭惟 皇祖妣神

德王后毓祉華宗婉體 聖祖密贊龍飛之業有

婦人於亂臣早

一本作肇

正翟禴之尊受誥命於天

天

子咸仰塗山之化奄結昭陵之悲式彰德而易名

萬事已訖宜躋

廟而同凡百世不祧迨及舜狩

之陟方終久周室之合饗蓋議臣謬誤未體永元

之深惟而累朝因循不遑孝章之升祔肆致

神理之隱鬱實均庶品之咨嗟惟簡策之可徵尚

音徽之不昧安侑無所念本始而靡安經常有虧

在後嗣而敢忽爰稽故實用叅情文象設重新於

寢園載耀韜景仙遊斯集於

宗祏庶慰

明

靈民心可觀允符億兆人之攸望天道必復粵至

三百年而廼行陳盛儀

舊本作禮

而如初進懿號而增

五言卷二

感謹遣臣議政府領議政鄭太和奉玉冊上徽號
曰順元顯敬王后冀回昭鑑俯諒徽忱寶牒垂芳
與天壤而齊久瑤圖衍慶俾雲仍而彌昌嗚呼哀
哉謹言

大提學臣趙復陽撰

祔廟祭文

己酉十月
朔日辛酉

恭惟大妃克配烈祖受中朝命為內壺主
德音雖遠徽稱未沫祔禮之曠閱幾年載昭昭
陟降若有臨顧惕予小子是用戰懼孟冬維朔日
辰維吉爰絜上儀以躋太室肅肅閔寢維穆暨
昭萃假洋洋百世靡泯小子嬰疾久而彌痼未奉

珪幣祗增愴慕齋誠薦潔攝以宰輔於穆皇靈
庶歆簋簠

知製教臣金錫胄撰

祔

廟後頒教文

己酉十月初二日壬戌

王若曰舉先代追祔之儀有事太廟將一國同

慶之意告爾多方本人情之所安信天道之必復

仰念古我先后實惟開國顯妃位正中宮光膺

天子之命毋臨東土首闡風化之基雖人代之

迭遷尚音徽之如在追思箴諫聖祖之悼痛彌

深祗奉山陵獻廟之誠孝備至惟配食終缺於

世室並闕殷薦之祠而謬議初出於廷臣諒非

先王之志蓋緣一后之舊制遂致累朝之因
循生則居儼升之尊已定名號歿而違同凡之饗
有歉經常宗祏攸關固事體之莫大神靈無
托奈情禮之靡寧象設先修於寢園故實更徵
於簡冊漢帝深惟於大義世所共稱宋后始祔於
元豐時或有待違孝以善繼為重尤貴變通之宜
先儒有並祔之論豈容前後之間斯誠寡昧之不
責矧係倫理之至嚴已於本年九月二十九日進
冊寶加上號曰順元顯敬神德王后十月初一日
陞祔于宗廟瞻廟貌而增光陳禮容而興感
仙遊斯集慰祖宗在天之心輿情可觀答臣民

舉國之望韜景復曜幸不昧於三百年之間彛章
式彰庶有辭於千萬世之後永念曠古之典詎闕
諭衆之音於戲適推追遠之誠行望民德之歸厚
仍需好生之澤咸與庶品而圖新故茲教示想宜
知悉

大提學

臣

趙復陽

撰

貞陵表石陰記

前
面篆大字朝鮮國
神德王后貞陵

順元顯敬神德王后康氏

太祖大王繼妃

六月十四日誕生洪武二十五年壬申冊封顯妃
丙子八月十三日昇遐丁丑正月葬于漢城皇華
坊永樂七年己丑二月二十三日移葬于楊州南

沙河里庚坐之原
顯宗己酉追祔
太廟

列聖誌狀通紀卷之二

列聖誌狀通紀卷之三

定宗恭靖懿文莊武溫仁順孝大王

行狀

世宗元年己亥告計使都摠制權希達府尹徐選賁往京師請謚

前權署國事諱

字

康獻王嫡子以丁酉

七月初一日生性質純謹志行端方長於武略嘗

從康獻王戰破羣盜屢立大功歲庚午捕倭于

禮山獻捷戊寅秋九月襲位于父王在位三年

歲庚辰冬十一月以病傳位於母弟居間養病

二十年以己亥九月二十六日薨于正寢壽六十

三

撰進之臣姓名不傳

厚陵誌文

世宗二年庚子

永樂十七年歲在己亥秋九月二十六日戊辰

溫仁恭勇順孝大王宮車晏駕我聖德神功上

王殿下及我主上殿下哀慕切至服喪盡禮

上率羣臣奉上尊號越明年庚子春正月初三日

壬寅以禮合葬于松京海豐郡定安王后之

舊本

有厚字陵遺命也大王我太祖康獻大王之第

二子天姿溫仁恭謹勇略過人仕高麗累官至將

相常從太祖出征立功歲庚午將兵捕倭于禮

山獻捷歲壬申秋七月太祖即位封永安君歲

戊寅秋八月太祖不豫權臣有欲挾幼構亂者

我 上王炳幾殲除請于 太祖冊封 大王為

世子九月丁丑受 太祖內禪歲庚辰春三月以

無繼嗣封我 上王為世子其年冬不豫禪位于

我 上王上王進 大王尊號曰仁文恭睿上王

愛敬盡孝久而益篤 大王春秋六十三歲在王

位三年居閑養病二十年作二十一年一本此終始哀

榮之大槩也 妃金氏贈門下左侍中諱天瑞之

女性不妬忌禮遇妾侍我 上王進尊號為順德

王大妃追謚舊本作贈定安王后無子宮妾子男十五

人女十人曰元生封義平君次茂生次幼池氏出

也曰羣生封順平君次義生次三皆幼女適全州

府尹金謙之子世敏

一本無世敏二字

封淑慎宅主次二

皆幼竒氏出也其餘男女皆幼義平娶衿川監務
崔致崇之女生一男一女幼順平娶判司宰監事
薛存之女

議政府叅贊 臣 卞季良 撰

封 王世子教文

太祖七年戊寅八月二十
六日己巳冊文不傳

立嫡以長萬世之經宗子維城寡人之望惟爾父
身嘗開國捨長立幼乃以芳碩為世子不獨予昵
愛不明之過道傳聞等亦不得辭其責矣當其時
若以楚國愛少之誠據經廷諍予敢不從如道傳
輩不惟不諍猶恐其不立日者道傳聞孝生至和

茅潛圖不軌搖亂根本幸賴天地宗社之佑罪人伏誅王室再安芳碩禍胎不可留置國都放諸東裔予既悔前日之過又因百僚之請庸建爾為王世子於戲克明其德無忝爾所生往盡乃心鎮撫我社稷

撰進之臣姓名不傳

禪位教書

戊寅九月初五日丁丑親授教書世子受納懷中

王若曰予以否德承祖宗之蔭奉天子之靈

肇造邦家撫有臣庶于今七年乃緣久於軍旅蒙

犯霜露迨今年衰疾作難於宵旰庶務叢劇恐多

遺失惟爾王世子舊定宗諱身居嫡長夙著仁孝且

當開國之初資襄弘多一國臣民咸共知之肆於
洪武三十一年九月初五日告于宗廟乃命以
位爾其率由典章親君子遠小人視聽無一己之
偏好惡公國人之論無敢或荒無敢或怠永綏厥
位以昌後嗣於戲爾父薄德雖不足效先聖之道
布在方冊夙興夜寐爾尚敬哉

撰進之臣
姓名不傳

上王上尊號冊文

定宗二年庚辰十一月
太宗受禪十二月率百官上

冊寶于
王殿仍獻壽

德敦親愛式著克讓之光禮合尊崇益虔強名之
道茲遵彝典庸獻徽稱恭惟性稟溫文心全孝

友承 太上而即政克綏厥猷保小子而盡仁乃
命以位顧忝傳歸之緒惟懷報謝之悰臣不勝大
願謹上尊號曰仁文恭睿上王伏惟 殿下樂道
優游凝神怡養俯諒由衷之願永膺多祉之祺

謚冊文

世宗元年己亥○按實錄
乙未茂林君善生等跪言
睿宗成宗

丑稱

恭靖廟號曰熙宗將與
廟成命已下云而其事不見於

睿宗實錄可疑

永樂十七年歲在己亥十二月辛未朔二十四日
甲午嗣王臣御謹再拜頓首上言臣聞繼志述事
克遵創業之謀節惠易名祗率追崇之禮不勝至

願式薦徽稱恭惟 大行上王溫順謙恭寬仁濬
哲奮武威而制敵數文德以安人光紹丕基誕膺
休命愉愉下氣恒存孝敬之誠翼翼小心益勤益
成之戒致九族之敦睦躋一世於豐平惠及困窮
恩加降附乃倦勤勞於聽政思欲怡養以安神與
天稽謀推位讓德方期天錫之難老永享邦家乃
患日臻而彌留忽遺弓劒顧惟小子叨襲洪圖未
堪痛悼之情庸舉顯揚之典謹奉玉冊上尊謚曰
溫仁恭勇順孝大王以按皇朝賜謚恭靖後禮曹
字勇二冀紆冲鑑俯允精衷日月齊明垂鴻號於不
朽乾坤並久錫景福於無疆謹言

哀冊文

已亥

撰進之臣
姓名不傳

永樂十七年歲在己亥九月癸卯朔二十六日戊
辰 仁文恭睿上王薨于正寢殯于仁德宮上謚
曰溫仁恭勇順孝大王越明年庚子正月庚子朔
初三日壬寅葬于厚陵禮也殯殿向晨靈輶將發
淡月昭兮銘旌酸風吹兮縞紼嗣王臣御祇奉祖
儀竚延晷刻悵 仙御之難攀悼 宸容之永隔
爰命詞臣載撰臧德其詞曰於皇 太祖肇造洪
業粵我 先后昭哉繼述因心孝友克敦和睦其
在潛邸資襄弘多屈此倭奴民用投戈茂膺盈成

恩孚動植乃緣沉疴倦于勤恪讓于有德早解機
務肆惟上聖受命踐阼垂二十年治道熙洽比
于文明纘承歷服式至今休莫非啓迪惟德之
光惟功之濯優游怡養謂享期頤夫何一夕遽貽
永違嗚呼哀哉觀宸扆兮如在遺弓劒兮奚遽致
感見於二聖紛感集於臣庶嗚呼哀哉嗟有生
之萬殊兮咸乘化以歸盡惟神聖之遺烈等乾
坤而不泯嗚呼哀哉

上王

宗太

祭

殯殿文

己亥十月初六日丁丑

撰進之臣
姓不傳

天生聖祖肇造東方纘承洪業惠我無疆義為

父子親則弟兄壻簾相和共享康寧如何不淑永
秘形聲嗚呼已矣何以為心榮榮衰經慟悼采
深來陳薄奠有淚霑襟惟靈在上庶借顧歆

親製代撰
今不可考

成祖皇帝賜祭賜謚誥

世宗二年庚子四月十二日庚戌使臣奉祭

文奠物至魂殿
以白衣烏帶翼善冠迎入行禮
太宗

皇帝遣禮部員外郎趙亮行人易節諭祭于朝鮮

國前權署國事李

御諱定宗

曰惟爾溫純篤厚至誠

樂善尊敬朝廷久而不替頃以年高休致于家克
享榮貴壽考康寧政期優游莫景樂此太平胡為
一疾奄然長逝撫念遠臣良深悼痛特隆恤典賜

爾謚曰恭靖遣人祭以牲醴九原不昧尚克享之

祔廟時樂章

世宗三年辛丑十月十八日丁未

噫嘻

舊本作噫

大王承我烈光則篤孝友保茲東方

籩豆楚楚磬筦將將庶其右其右舊本作幾佑之降福無

疆

撰進之臣姓名不傳

追上謚號玉冊文

肅宗七年辛酉

維歲次辛酉十二月庚辰朔初七日丙戌孝曾孫

嗣王臣

御諱

謹再拜稽首上言竊以錫羨垂休遺澤

尚存於未斬節惠獻號闕典追舉於既桃冊寶斯

陳神人胥悅恭惟

恭靖溫仁順孝大王業隆草

昧道協重華資化家之洪圖備嘗艱險懷安民之
大勇退守柔恭威名著於征討之時令聞彰於遵
養之際當王室之多故幸神器之有歸獄訟謳歌

元良是

一本作咸

賴玄默休息順信自孚丕顯丕承

知孝子之繼志

或潛或躍見聖人之達權釋位就

閒至德無稱於泰伯投艱遺大

投艱遺大一本作因心篤慶

太

平已屬於晉王垂拱而定萬世之安脫屣而享二

紀之樂顧神功實罕於前後而謙光罔改於始終

廟制仍虧徽稱且缺王章莫備雖緣

累朝之

未遑

宗事至嚴詎容常度之或替遺民之想望

自昔縟儀之興行在今無於禮而動也中百世以

侯而不惑有其實者名必得羣情久鬱而方伸武
烈文謨豈能形容於四字深仁大慮猶願表揭於
諸宗考舊文而薦誠修秘牒而歸美謹遣臣議
政府領議政金壽恒奉王冊加上尊謚曰懿文莊
武廟號曰定宗冀垂明鑑庶諒微忱以保我子孫
施靈貺而靡忒如在其左右昭耿光於無窮嗚呼
哀哉謹言

大提學臣李敏叙撰

厚陵表石陰記

前面篆大字朝鮮國定安王后附左

定宗恭靖懿文莊武溫仁順孝大王元至正十七
年丁酉七月朔日誕生初封永安君 皇明洪武

三十一年戊寅冊封王世子九月受禪建文二年庚辰十一月傳位于太宗永樂十七年己亥九月二十六日昇遐庚子正月三日葬于豐德東興教洞癸坐之原在位二年在上王位二十年壽六十三 皇朝賜謚恭靖 妃順德溫明莊懿定安王后金氏至正十五年乙未正月九日誕生洪武三十一年戊寅冊封德嬪尋進封德妃永樂十年壬辰六月二十五日昇遐八月八日葬與大
王陵同原壽五十八

王世貞曰：「晉書卷一百一十五，王世貞曰：『晉書卷一百一十五，王世貞曰：』」

順德溫明莊懿定安王后金氏

封德妃冊文

太祖七年戊寅九月
受禪十一月十八日庚寅冊封

以左政丞趙浚為奉冊使
府事李居易為副使○敕命不傳

易著咸恒而正人倫禮嚴名分而重配匹載稽彝
典庸建徽稱惟金氏端一誠莊幽閑貞靜早創閨
門之道宜其家人茂隆冢婦之儀承我宗事當
庶孽之煽亂殫內助以濟危既無歉於壺儀庶有
補於風化爰命為王德妃授以寶冊於戲嬪于嬀
汭聿基虞舜之興臣有邑姜用贊武王之治勉循
往行以裕後昆

撰進之臣
姓名不傳

王大妃上尊號冊文

定宗二年庚辰十一月
太宗受禪十二月上冊

保佑恩隆母儀斯著尊崇禮備子道是殫庸舉
章庶伸誠孝恭惟德妃殿下柔嘉稟性恭儉存
心維德之行夙彰治內之美因心則友克篤展親
之仁實賴慈庥獲叨洪緒欲表難名之德宜加
歸美之稱臣不勝大願謹奉冊寶上尊號曰順德
王大妃伏惟殿下勉循歡情誕膺顯號儼至人
而多壽與一國而同休

哀冊文

太宗十二年壬辰○按實錄七月
十日癸卯上謚憲安而冊文不傳

誌文亦
不傳

撰進之臣
姓名不傳

維永樂十年歲次壬辰六月甲寅朔二十五日戊
寅順德大妃薨粵八月初八日庚申將遷座于
厚陵禮也殯宮嚮曙靈輶欲行星月慘其錯列仗
衛森以縱橫我聖上重念為後一本作國之義采切
襄事之誠爰命作冊載揚休聲其詞曰惟我大
妃生于令族天性之真致其貞淑儷尊上王壺
儀斯飭思姬太任徽音以續庶幾壽考克終貞吉
天固蒼茫事亦反側一疾大漸百身莫贖象服俄
空魚軒永寂嗚呼哀哉空傳教於內則無復祀於
高禩露葉晞兮無迹風花散兮不迴嗚呼哀哉想
仙府兮魂杳杳聞後宮兮愁沉沉梧桐凋兮夜

雨松栢翳兮秋陰嗚呼哀哉諒難逃於理數兮孰能超然而獨存但追慕之未禁兮聊以此而形於言嗚呼哀哉

成均館大司成臣權遇撰

追上徽號王冊文

肅宗七年辛酉

維歲次辛酉十二月庚辰朔初七日丙戌孝曾孫

嗣王臣

諱

謹再拜稽首上言竊以修闕典於百年

廟號既正揭休稱於四字陰功益彰顯冊追陳彝

章式備恭惟

定安王后稟姿婉孌秉心塞淵逮

下之仁事光於彤管承天以順道協乎黃裳昔我

厚陵之受終維時王室之多故孝友之行媚于

神人禪讓之高軼于姚姒到今家國之永賴莫非
內外之相成雖宗桃之迭遷緬徽音之如在念
茲節惠之禮尚歉於揄揚無亦有司之臣未遑乎
建請因循弗舉使後世而何觀怵惕靡寧恐盛烈
之莫闡爰採羣議聿申緼儀謹遣臣議政府領議
政金壽恒奉玉冊加上徽號曰溫明莊懿庶鑑精
衷俯賜明假秋嘗春祀流景福於無疆玉牒金書
垂令名於終古嗚呼哀哉謹言

藝文館提學

臣

金萬重

撰

列聖誌狀通紀卷之三

列聖誌狀通紀卷之四

太宗恭定聖德神功文武睿哲成烈光孝大王

行狀

世宗四年壬寅遣刑曹判書李穡等
賁狀如京師告訃請謚○誌文不傳

國王姓李氏諱

字

母妃韓氏以吳元

年丁未五月十六日辛卯生

王聰明好學早有

令聞洪武十六年癸亥年十七中高麗科第戊辰

十月以書狀官從門下侍中李穡入賀帝正辛

未九月

母妃薨

王廬於墓側欲從

恐常作終

憂制

時麗運既窮主昏政亂忌

康獻功高德盛會

康獻墜馬病篤謀傾甚急

王知之倡義決策洪

武二十五年壬申七月與諸將相翊戴

康獻化

家為國 康獻既即位封 王為靖安君甲戌夏
太祖高皇帝命遣親男入朝 康獻以 王通
經達禮賢於諸子即遣入朝敷奏詳明 帝優禮
遣還戊寅九月 康獻寢疾彌留人心危疑將相
大臣皆屬望於 王王以 恭靖王嫡長請傳位
於 恭靖 康獻許之 恭靖自謂未有繼嗣且
以 王有德有功庚辰二月冊為世子其年十一
月以疾傳位於 王今 上皇帝踐阼之初 王
遣使表賀永樂元年癸未四月 帝遣都指揮高
得左通政趙居任來賜誥印繼使翰林待詔王延
齡等賜袞冕九章自是十五年間寵賚沓至天下

聳觀戊子五月康獻即世王哀痛罔極居廬五月衰服終制戊戌六月王以世子提失德廢之請封今王為後是歲八月又以老疾請傳位于今王已亥七月對馬島倭賊犯邊王分命諸將以舟師攻破其島得廣東浙江等衛男婦被虜在島者百四十人悉送京師八月帝遣太監黃儼賁勅賜宴永樂二十年壬寅四月二十二日王感疾至五月十日丙寅薨于正寢享年五十六在位十九年釋位居閑四年王勤儉寬仁畏天恤民崇學慈祀親賢樂善聽政之暇觀覽經史每至夜分儀章法度一遵古昔煥然大備薨逝之

日臣民哀慕如喪考妣云

獻陵神道碑銘

并序○
六年甲辰五月

撰進之臣
姓名不傳

天之將降大任於有德也必生聖子神孫以開景
運以永洪祚我朝鮮太祖康獻大王之興也以
我太宗為子以我殿下為孫噫噫盛矣豈人
為之所能及哉天也其與商家賢聖君之繼作周
家大王王季文武之相承何以異哉臣謹按
源李氏金之望姓司空諱翰仕新羅娶宗姓之女
六世而至諱兢休始仕高麗十三世而至皇玄
祖穆王入仕元朝而長千夫四世襲爵咸能濟美

元政既衰 皇祖桓王還仕高麗恭愍王積功累
仁其來久矣我 神懿王太后以至正丁未五月
辛卯誕 太宗于咸興府厚州私第我 太祖之
第五子生而神異稍長英睿絕倫好讀書學日進
年未冠中高麗科第時政散民離國勢抗拒慨然
有濟世之志 太祖愛之異諸子嘗以書狀官偕
侍中李穡朝京師累官至密直司代言洪武辛未
九月 神懿王太后薨廬于 齊陵之側欲終三
年壬申春 太祖西行遘疾而還來侍湯藥恭讓
之臣乘隙謀傾勢甚急 太宗應機制變討除渠
魁羣謀瓦解秋七月與諸將相倡以大義推戴

太祖化家為國封靖安君甲戌夏高皇帝命遣
親男入朝太祖以我太宗通經達禮最賢諸
子即遣應命既至敷奏稱旨優禮賜還戊寅秋八
月太祖不豫權臣朋家聚黨有欲挾幼擅政以
肆已志者禍發斯迫太宗炳幾殲除時宗親將
相皆欲請冊我太宗為世子太宗牢辭推尊
恭靖上請太祖冊封世子以定宗社九月
丁丑太祖以一本無疾未瘳禪于恭靖建文
庚辰正月逆臣朴苞謀戕同氣陰誘芳幹父子稱
兵為亂太宗勒軍平之誅苞餘悉釋安置芳幹
不廢懿親恭靖以無嗣且謂開國定社皆我

太宗之續冊為世子冬十有一月亦以疾傳位于
我 太宗遣使請命明年辛巳六月 建文帝遣
通政寺丞章謹等奉誥命印章來封我 太宗為
王冬遣鴻臚寺行人潘文奎來錫冕服袂視親王
歲壬午今 皇帝即位遣左政丞臣河崙賀登極
帝嘉忠誠明年癸未四月賜以誥印遣都指揮
使高得等來仍封為王秋遣翰林待詔王延齡來
錫袞冕九章錦段紗羅書籍 太祖錦段紗羅
元敬王太后冠袍錦段紗羅各有差自時厥後
帝賚荐至無虛歲矣歲乙酉以漢陽 太祖所都
排羣議而還歲丁亥 帝語朝正使臣曰朝鮮國

王至誠事大自後每當使臣之至輒稱至誠戊子
五月太祖晏駕哀慕罔極居于諒闇喪葬以禮
遣使告訃帝震悼罷朝遣禮部郎中林觀等賜
祭太牢贈謚康獻又勅太宗賜厚賻壬辰冬有
以王氏之裔隱於民間者上言攸司請誅之太
宗曰帝王之興自有天命誅王氏之後非我太
祖本意迺下教曰王氏之後存者俾之各安生
業甲午六月甘露降于咸興府月光仇未里及定
平白雲山明年乙未四月甘露又降咸興府德山
洞吾東方前古所未有也政府俱進箋賀不受戊
戌六月以世子禔敗德廢之封讓寧大君以我

殿下聰明孝悌好學不倦國人屬望冊封世子以
聞帝俞允是年八月禪于我殿下遣使請命
十有一月我殿下奉冊寶獻號曰聖德神功上
王明年己亥正月帝遣鴻臚寺丞劉泉等奉誥
命封我殿下為王五月對馬島倭犯邊殺掠軍
士命領議政臣柳廷顯及長川君長川君一作贊成臣
李從茂等以舟師往討之島倭納款如舊八月
帝遣使賜宴勅書略曰王至誠篤厚祇事朝廷一
德一心終始不怠能簡賢命德俾宗祀有託以副
國人之望又賜宴我殿下勅書略曰爾父篤厚
老成祇敬天道忠順之誠愈久不替九月恭靖

王即世服斬衰終易月之制遣使告訃明年四月
帝遣使致祭賜謚恭靖是年春我 殿下率羣
臣請上太上王之號不允秋七月 元敬王太后
薨以我 殿下哀毀過禮命從易月之制 殿下
涕泣固辭乃命葬後釋服白衣終制九月壬午葬
太后于廣州治之大母山陵曰獻辛丑秋九月
我 殿下奉冊寶獻太上王之號十月稟 太宗
命冊封 元子 御諱文宗 為世子 太宗以不世之
資緝熙聖學孝悌通於神明誠敬格于 宗社事
大則 天子稱其至誠交隣則倭邦服其有道欽
天恤民崇儉節用先德禮而慎刑罰進忠直而黜

奸邪闢異端而禁淫祀酌古今以定制度昭文教
而嚴武備積弊悉革而庶績咸熙四境按堵而民
安物阜帝王之道嗚呼盛哉宜其紆帝眷之隆而
再獲甘露之上瑞矣壬寅四月始不豫越五月丙
寅薨于離宮我 殿下不勝哀痛三日撤膳羣臣
涕泣請進膳竟不許定為三年之喪不用易月之
制 太宗春秋五十六歲在王位十有九年居閑
頤養五年而弓劒忽遺大小臣僚下至僕隸莫不
失聲號哭愈久愈哀如喪考妣嗚呼慟哉以是年
九月初二日丙辰上尊號曰聖德神功文武光孝
大王廟號太宗

宗一
本無
自初
至

二十
三字初六日庚申合葬

于元敬王太后之陵遺命也及訃聞帝哀慟
輟朝特遣禮部郎中楊善等賜祭其文略曰惟王
篤厚至誠聰明賢達敬事朝廷忠順之心一作一本誠終
始不替訃音遠聞良深感悼又賜誥命謚曰恭定
又賜殿下賻優厚蓋我太宗功德之盛及我
殿下孝誠之至前後相承克享天心故於終始
之際寵異之典如此其備至矣中宮元敬王太
后姓閔氏驪興世家自高麗門下侍郎平章事文
景公諱令謨六世而至皇高祖諱宗儒相毅陵位
都僉議侍郎資成事謚忠順忠順生皇曾祖判密
直司事謚文順諱頤文順生皇祖大匡驪興君諱

抃大匡生皇考純忠同德資化功臣太匡輔國崇祿大夫驪興府院君修文殿大提學領藝文春秋館事謚文度諱霽母皇一作妣宋氏封三韓國大夫人高麗重大匡礪良君諱璿之女積善流慶是生淑德聰慧異常將笄擇配來嬪于我太宗太宗少有濟世之志留心經史不事家產太后能儉於治家謹於主饋以勉其功教誨多男俾循義方禮遇妾侍克盡婦道洪武壬申封靖寧翁主戊寅太宗定社之際勢甚孤危太后盡心輔贊以濟大事庚辰春封貞嬪其年冬太宗即位封靜妃永樂癸未帝賜冠袍自是年至丁酉累受

帝賜凡五

舊本作六

戊戌冬

戕殿下獻號曰厚德王

大妃庚子九月上

一本作追

謚元敬王太后春秋五十

六歲

太后稟幽閑貞靜之德克配

太宗以專

內治二十年間壹儀肅穆又誕

聖子俾主宗

社以享榮養及薨嬪媵妾侍莫不盡心悲痛婦則

母儀其至矣乎誕四男四女我

殿下居三長即

提次曰補封孝寧大君次曰種封誠寧大君先卒

女長貞順公主下嫁清平府院君李伯剛非一李

也次慶貞公主下嫁平壤府院君趙大臨次慶安

公主下嫁吉昌君權跬亦先卒次貞善公主下嫁

宜山君南暉懿嬪權氏生一女貞惠翁主適雲城

君朴從愚昭惠宮主盧氏生一女幼信寧宮主辛
氏生三男七女男長裊封恭寧君餘幼女長貞信
翁主適鈴平君尹季童次貞靜翁主適漢原君趙
璿次淑貞翁主適日城君鄭孝全餘皆幼宮人安
氏生一男三女皆幼金氏生一男裊封敬寧君高
氏生一男崔氏生一男一女李氏生一男金氏生
一女皆幼我 中宮恭妃沈氏門下侍中諱德符
第四子溫之女誕四男二女長即 世子餘皆幼
讓寧娶金漢老之女生三男一女皆幼孝寧娶前
判中軍都摠制府事鄭易之女生四男一本有女二字
皆幼誠寧娶前全羅道都觀察使成抑之女無子

貞順公主生一女適龍驤侍衛司護軍李季隣亦

非一李慶貞公主生四女長適敦寧府丞安進次

適幼學金仲淹餘幼慶安公主生二男長聘一本無聘

字娶漢城少尹鄭淵之女次幼貞善公主生二男

一女皆幼敬寧娶戶曹參議金灌之女生二男皆

幼恭寧娶兵曹參判崔士康之女生二女皆幼臣

竊觀我太宗之盛德隆功固已高出於百王之

上矣而配匹之賢內助之功又有可與蜀塗莘

摯同符而儷美者矣羣臣咸願刻銘于陵之神

道碑昭示永世 殿下以命臣季良臣季良承

命祗慄不敢辭謹拜手稽首而獻銘銘曰 天眷

海東降我 太宗亶亶 太宗盛德在躬推戴

聖父克集大功乃覲 帝庭敷奏從容優荷睿恩

保我黎元炳幾靖亂嫡長是尊雖值閱牆友愛猶

惇孝悌之至從古罕聞維德之厚維功之懋天鑑

孔昭式申保佑煌煌金寶輝映前後 帝誥荐臻

我乃寵一作龍受 祖訓惟服還于漢北制作禮樂

燬乎郁郁遭喪居廬哀慕罔極以葬以祭古典是

式祗事朝廷 帝稱至誠肅肅承祀感于神明交

隣有道倭邦來庭存卹王裔俾遂其生中外又安

垂二十齡浥浥甘露歲降咸府廢昏命德以作民

主期享永年父臨下土何促賓天一疾莫愈哀哀

聖子痛悼無比撤膳三日不勝摧毀凡百喪事
維禮之履 帝聞慟悼遣使以祀贈謚褒崇賜賻
優隆恤典之備喜溢臣工思齊 太后允也肅雖
密贊定社克配亶聰篤生 聖哲俾主 宗祏乾
健高明 恭定之德坤厚柔貞 元敬之則琴瑟
以友藏同其域子孫振振于嗟其麟綿綿宗祀垂
萬億春臣拜獻詞刻之貞珉萬代不磨照一本作昭我
東垠

碑陰記

大提學臣卞季良 撰

恭惟我 太宗大王聖德神功卓冠前古春秋未

高傳界 聖子方遂優閑備享榮養而弓劒忽遺
我 殿下哀毀盡禮越五月合葬于 元敬王太
后之獻陵遵 治命也 陵在廣州治之西大母
峰下乾亥之山乾坐巽向北距京城三十許里謹
按山來自長白山而南踰數千里至尚州之俗離
山折而西北又數百里至果川之清溪山又折而
東北負漢江而止是為大母山坤靈停峙淑氣蜿
蜒噫天作地藏以待園陵之吉兆歟 殿下命即
陵之巽方六十三步樹之豐碑以記德美垂輝
來今又命序次開國佐命定社功臣姓名刻諸碑
陰臣竊惟自古王者之作必有名世之臣應時而

出弼成大業於是有紀功宗銘彞鼎之典所以示
不朽傳悠久也我朝壬申之開創與夫戊寅庚辰
之戡定實天所以啓我太宗以基朝鮮萬億年
無疆之祚也然亦將相忘身委質資襄輔佐之力
與有多焉是宜鐫銘貞石以示永世後之觀者尚
克知我 殿下顯揚 先烈褒獎元勲之至意云

藝文館提學 臣尹淮 記

開國功臣

益安大君芳毅門下左侍中裴克廉領議政府
事趙浚上洛府院君金士衡興安君李濟義安
大君和判漢城府事鄭熙啓青海君李之蘭宜

城君南閭花山府院君張思吉政堂文學鄭摠
漢山君趙仁沃宜寧府院君南在議政府右議
政鄭擢知中樞院事金仁贊判三司事尹虎商
山君李敏道戶曹典書趙英珪復興君趙胖漢
川府院君趙溫南陽君洪吉取王川府院君劉
敞平城府院君趙猶知中樞院事黃希碩興寧
府院君安景恭鷄林君金綢瑞城君柳爰廷星
山府院君李稷寧城君吳思忠安平府院君李
舒漢山府院君趙英茂完城君李伯由興原君
李敷延城君金輅高城君高呂東原君咸傳霖
西原府院君韓尚敬上護軍韓忠驪川府院君

閔汝翼知中樞院事趙琦

定社功臣

義安大君和益安大君芳毅上黨君李佇領議
政府事趙浚上洛府院君金士衡晉山府院君
河崙漢山府院君趙英茂完原府院君李良祐
奉寧府院君福根青海君李之蘭花山府院君
張思吉漢川府院君趙溫延城君金輅議政府
右議政鄭擢完山府院君李天祐中樞院副使
張哲鷺山君辛克禮

佐命功臣

上黨君李夢

舊名佇

晉山府院君河崙漢山府院

君趙英茂驚山君辛克禮鷄城君李來義安大
君和完山府院君李天祐昌寧府院君成石璘
完川君李淑青海君李之蘭漆城君尹抵叅判
三軍府事金英烈坡平君尹坤錦川君朴嘗平
陽君朴錫命長興君馬天牧漢川府院君趙溫
吉昌君權近議政府左議政李原星山府院君
李稷文城府院君柳亮漢平府院君趙洵平陽
府院君金承靈麻城君徐益南陽君洪恕漆原
府院君尹子當刑曹判書李升商蓮城君金定
卿利城君徐愈長川府院君李從茂兵曹判書
李膺豐山君沈龜齡谷山府院君延嗣宗沔城

府院君韓珪熙川君金字越川君文彬礪山君
宋居信贈同知中樞院事金德生

重刻碑附記

肅宗二十一年乙亥五月

嗚呼茲惟我太宗恭定大王獻陵也陵下舊
有神道碑中經兵燹石刻剝落多不可辨認我
殿下即位之二十年甲戌春二月祇謁園寢顧
瞻輿歎思所以再闡紀德之事乃命有司伐新石
改刊舊文於是設重建廳禮曹工曹官掌其事而
董治之越明年乙亥五月工告訖洵吉拆舊閣增
其簷楹與舊碑並豎焉蓋舊碑即卞季良所撰權
弘篆其額尹淮記其陰獨書碑者成姓而其下字

缺不知名之為誰碑文及陰記具載於列聖誌
狀通紀中故今依通紀所載改刊而其或不能無
異同者則一從碑刻以存慎重之意嗚呼我先
王化家為國之烈我殿下奉先思孝之德其自
是光于萬代與天無極矣

大提學臣朴泰尚記

封王世子冊文

定宗二年庚辰二月初四日巳亥冊立靖安公

為王世子句當軍國重事○教命不傳

王若曰建儲貳所以正國本崇位號所以定人心
茲遵典章庸舉冊禮惟爾靖安公御諱太宗資全文
武德備英明當太上開國之初克倡大義及寡

兄定社之日特立膚功矧謳謠之有歸宜監撫之
是任用命爾為王世子於戲知人不易為子亦難
以親以賢既處承 桃之位惟忠惟孝用禪為政
之方故茲教示想宜知悉

撰進之臣
姓名不傳

封 王世子竹冊文

舊本以此文列於封
王世子冊文上註

以疑 太祖所命而今考辭意似非庚
辰所命抑戊寅秋宗親將相欲請冊
太宗為世子時命撰而不用者歟未
詳事實故今姑附見于此以俟考證

始有國家實賴維城之固合行典禮庸立主器
之賢載稽舊章率由是道云云性資仁孝氣稟
溫文咸稱一有之良夙著三善之德當命爾以

受冊將代予而承 桃顧惟溺愛而執迷乃致
扇變而交構爾出謀畫之奇以除禍亂之本考
爾功德可以撫監是用命爾為王世子授以寶
冊爾其式敬乃心克服師訓無負臣民之望永
固 宗社之基

臣 李詹 職名 撰

建儲副教 同上

王若曰自古

舊本作昔

王者之建儲所以尊宗祀而重

國本也稽諸禮文有立嫡子同母弟之說或世或

及惟其至當而已予以寡昧嗣守景緒嚴恭思治

于茲三

一本作二

年矣

一本無

顧無嫡嗣只

舊本作

有庶

孽昏弱

昏弱舊本作曖昧

不慧每思繼序之重恒懼得人

之難

一本無自每至難十二字

夙夜兢惕罔敢遑寧惟念同氣

之親庸篤友于之義不期懷安公

一本無懷安公三字

芳幹

崇信姦回妄生疑忌稱兵構亂禍在不測即命靖

安公

御諱太宗

撝師往討

一本無自即至討十一字

幸賴天地

宗社之祐旋即戡定不日清明尚憐象憂之情不

忍管辟之致已將芳幹安置私座黨與人等各以

輕重處決蓋緣國本之未定人心之易搖禍亂斯

生以至此極興言及茲深用惻然宜建母弟之賢

以端邦

一本作國

本之固靖安公

御諱太宗

氣挺英明資

全勇智文武之略秉自生知孝悌之誠發於至性

佩服詩書之訓識達政教之方左右上王効忠

竭力

一本又無效忠竭力四字

太上

以建開國之功捍衛

寡躬

舊本作兄

撥亂反正

一本無撥亂反正四字

以成定社之烈

宗社之所永賴臣民之所共知勲德既隆謳歌

悉歸是用冊命為王世子以慰輿望載惟儲副之

任必兼監撫之權仍命句當軍國重事咨爾宗親

耆老宰輔臣僚中外人民咸體予懷各共爾職祇

順元良之德以輔予治

一本作德

茲行冊命

舊本作禮

宜布

寬條自建文二年二月初四日昧爽以前除謀叛

大逆殺祖父母父母妻妾殺夫奴婢殺主蠱毒魘

魅但犯強盜謀故殺人

舊本有及字

芳幹黨與

舊本有知情二

字人外已發覺未發覺已決正未決正罪無輕重

咸宥除之敢以宥旨前事相告言者以其罪罪之

於戲為父為一作與子益敦慈孝之心宜民宜人永

啓隆平之治自宜至治十字一本作由故茲教示

想宜知悉

政堂文學臣權近撰

禪位教書庚辰十一月十一日辛未禪位判三軍府事李茂奉定宗

都承旨朴錫命奉國寶詣仁壽府上馬至十三日癸酉即位于壽昌宮○實錄作

頒教文而文必異

王若曰恭惟祖宗仁厚積德以集景命逮我

啓運實錄無啓神武太上王之肇興也王世子太

宗御諱○實明炳幾先灼知天命首倡大義以建

鴻業則我朝鮮之實錄無開國惟爾功寔多爾功寔多

實錄作世子故當初建儲之議物望咸歸於爾不

期權姦貪立幼孽將傾社稷社稷實錄天誘其衷

建策戡定以安宗社則我朝鮮之再造亦惟爾

功爾功實錄作是賴國於爾時已為其有其有實錄作世

子之乃執冲謙申啓太上實錄有謂予不穀居

嫡之長俾命以位予辭不獲黽勉即政于茲三年

天意未允人心未孚旱蝗為灾妖孽游至是皆是皆

實錄作寡昧非德之致慄慄危懼俯仰有忤矧予

素纏風疾眩於萬幾勞神應務恐致彌留思釋重

負以付有德庶可以上答天心下慰輿意

實錄作並

咨

爾

實錄無咨爾二字

王世子稟剛明之德挺勇智之資仁

義秉於生知孝悌本乎至性學問精於義理英謀合於變通固睿哲之離倫乃謙恭之彌謹早以濟世安民之量克成撥亂反正之功謳歌之所歸

宗社之所賴惟賢惟德宜承大統予遜王位俾傳

於爾

自予至爾八字實錄作爰命世子傳即王位

予將退就私邸

實錄作第

優遊怡養以保期頤於戲天人之情必附於有德

宗社之統當傳於至親故世及以相承實古今

之通義爾其益虔于德夙夜祗懼敬天勤民俾萬

世無斁

自爾至斁十九字實錄作咨爾宗親者

故

茲教示想宜知悉

叅贊門下府事臣權近撰

惠宗皇帝封王誥

太宗元年辛巳六月十二日巳巳更臣通政寺丞章謹

文淵閣待詔端木禮木錫命上紗帽團

成祖皇帝遣新指揮高得等更賜誥印而誥文不傳

古先哲王之為治德窮施普覆育萬方凡厥有邦
無間內外罔不臣服爰樹君長俾乂其民人以藩
屏于夷夏朕承大統師古成憲咨爾朝鮮權知國
事李御諱太宗襲父兄之傳鎮綏茲土來効職貢率
禮克誠以未受封祈請勤至茲庸命爾為朝鮮國
王錫以金印長茲東土嗚呼天無常心惟民是從

民無常戴惟德是懷爾其懋德以承眷佑孝友于家忠順于上仁惠于下俾黎民受福後昆昭式永輔于中國啓土建家匪德莫宜可不敬哉

上王上尊號王冊文

太宗十八年戊戌八月世宗受禪十一月以袞

冕御仁政殿授冊寶于進冊官朴
言進寶官李原三壽康宮上之

維永樂十六年歲次戊戌十一月丁未朔越八日

甲寅國王臣

諱

再拜稽首謹奉冊上言恭以聖神

之妙雖絕名言臣子之情必崇徽號茲舉彝憲用

伸孝思恭惟

上王殿下高明配天博厚齊地扶

祖聖

作

祖

聖

舊本

而

啓

運

尊

嫡

長

以

守

成

德

冠

百王孚舜文之所性功高萬代與湯武而同符敦

敬天愛民之誠盡事大交隣之道惟至仁之浹洽
致斯世於隆平念襲重艱實深祗懼欲昭盛美當
極尊稱爰率臣僚式陳冊禮臣諱御不勝大願謹奉
冊寶上尊號曰聖德神功伏惟上王殿下特留
睿鑑以徇卑忱俯受鴻名擁純禧之川至茂迎和
氣享多壽於蒿呼臣諱御誠歡誠忭稽首再拜上言
議政府叅贊臣卞季良撰

樂章

月日同上

於皇上王盛德隆功贊我聖祖以有大東再
遏亂略治教昭宣龍受帝命宗社萬年

撰進之臣
姓名不傳

上

太上王號玉冊文

年 世宗三
辛丑

維永樂十九年歲次辛丑九月辛酉朔十二日壬

申國王臣

諱御

稽首再拜謹奉冊上言恭以聖德極

尊推崇無上神功至大報効何施唯有徽稱庶昭

盛美恭惟

上王殿下建開邦之策決定社之機

愛親敬兄為生民而立極交隣事大回世道以底

平修祀盡如在之誠發政先無告之類乾坤覆載

動植咸囿於堯仁日月貞明邪正自形於舜智念

承付托常切憂勤雖冊禮之已陳尚臣心之有慊

爰上加尊之號用申歸義之儀臣

諱御

不勝大願謹

奉冊寶上尊號曰聖德神功太上王伏惟

太上

王殿下垂並育之慈擴優容之度曲從輿望俯受
七字之鴻名茂迓天休永享萬年之聖壽臣御諱誠
歡誠忭稽首再拜上言

議政府叅贊臣卞季良 撰

樂章月日同上

於皇 太上德音孔昭克嗣令緒保惠實多功成
治定禮備樂和燕翼貽謀躋世界平爰稱徽典載
崇尊榮百祿是荷壽考維康於萬斯年垂裕無疆

撰進之臣
姓名不傳

謚冊文世宗四年壬寅

維永樂二十年歲次壬寅九月乙卯朔越二日丙

辰孤哀子嗣王臣

御諱

謹再拜頓首上言竊以大德

隆功夔超

舊本作越

前古鴻名

舊本作號

顯號

舊本作冊

宜示後

人祇率彛章式薦徽號恭惟

皇考聖德神功太

上王聰明神聖勇智寬仁當麗運之既窮識天人

之攸屬扶翼

太祖肇開萬世之基入覲

高皇

特荷三接之寵炳幾微於未著致

宗社之永寧

立愛惟親克篤承顏之孝因心則友載錫讓德之

光武威肅於風霆文治昭於日月交隣有道事大

以誠化洽邇遐恩覃動植念叨承於景緒期榮養

於遐齡何遽上昇乃貽末命難堪號擗之痛庸舉

顯揚之儀謹奉王冊上尊謚曰聖德神功文武光

孝大王廟號太宗伏冀 睿靈俯垂冲鑑永綏多福保子孫於無窮幽贊丕圖與天地而並久謹言

撰進之臣
姓名不傳

哀冊文

壬寅

維永樂二十年歲次壬寅五月朔丁巳初十日丙寅 聖德神功太上王薨于新宮殯于壽康宮正殿九月乙卯朔初六日庚申葬于 獻陵禮也

殯宮斯啓絳幕將移百僚侍從萬仗蔽蕤曉露淒兮山川慘酸風動兮草木悲 聖上叩地號天摧肝毀脊仰宸扆兮如在悼 天顏兮永隔爰命詞臣式宣盛德其辭曰粵惟東方爰自王氏統一三

韓幾五百祀主昏政亂神怨人離天眷懿德俾造
丕基恭惟我后灼知天命扶翼聖祖撫有萬
姓欽承帝命用賓王庭敷奏懷款接遇寵榮炳
幾靖亂宗社是定祗事恭靖益敦愛敬比續
洪業式弘至治恩及飛潛頌騰遐邇交隣以道事
大彌謹帝命丁寧詔辭繾綣印章有赫冕服斯
煌島夷賓服家國平康功光先祖德垂後人惟
德之聖惟功之神曩越前古克配上天歛此盛美
垂耀簡編嗚呼哀哉道叅化育明燭幽微禮興樂
作文昭武威始終二紀勤勞庶政志于怡養傳之
神聖畏天之敬憂民之誠未嘗頃刻弛于聖

情庶幾遐齡永享榮養奈何一朝偶嬰微恙遂大
漸而不愈貽罔極之哀號嗟臣庶之薄祐致天日
之永韜嗚呼哀哉儼祖庭兮盡禮獻冊寶兮揚徽
惟聖上之茹痛兮如窮人之無所歸塵棲兮宮
掖雨泣兮臣民執靈輜以擗踊兮望橋山而怨蒼
旻嗚呼哀哉噫脩短之有數兮雖聖智而難逃惟
功德之至大兮與日月而齊高嗚呼哀哉

成祖皇帝賜祭文

世宗五年癸卯四月十三日

撰進之臣姓名不傳

親王例行賜祭禮于廣孝殿

皇帝遣內官劉景禮部郎中楊善諭祭于朝鮮國

王李

御諱太宗

之靈曰惟王篤厚至誠聰明賢達作

藩東土敬事朝廷忠順之心終始不替頃以年高致休於家方期壽考樂此安榮夫何嬰疾遽爾長逝訃音遠聞良深感悼茲特隆以恤典賜謚曰恭定遣使祭以牲品儀物靈其有知鑑此至意

賜謚誥

癸卯四月十五日乙丑賜謚禮畢行焚黃祭

奉天承運皇帝制曰朕祗承天命統御萬方所以

安養生民褒賢旌德一視惟公况乃藩臣之賢能

保國恤民恭天事大極誠敬之至者奚可不厚褒

嘉之禮以備終始之義焉故朝鮮國王李

御諱太宗

莊簡不羣溫厚樂善恭謹出其天性惠愛孚於國

人崇順天道尊事朝廷忠敬之心彌久而彌固職
貢之禮益久而益虔方當謝政以遂優閑夫何嬰
疾遽爾長逝訃音遠及感悼難忘宜隆恩眷以示
旌褒特謚曰恭定於戲稽行易名式有光于永世
懷賢表善何能已於朕心靈爽有知服茲嘉命欽
哉

敬事共上恭
純行不爽定

廟時樂章

世宗六年甲辰
七月十二日乙酉

嗚呼 皇考德配于天深仁盛烈超邁古先
宮肅穆肇執豆籩于千萬世景祚延綿

撰進之臣
曲明
姓名不傳

宗廟樂章

於皇我聖考戡難保宗祏謳歌興望隆敦讓

顯美德顯美天子方憐邦人憂惶聖考入奏

忠誠以彰媚于天子赫哉龍光龍光並初獻

彼孤臣煽禍機我皇考克炳幾神謀定世以靖

靖世亞獻終獻

文昭殿樂章五年世宗十

豐豐太宗天實篤生扶翊聖祖景業以成既

揚武烈丕闡文明神功聖德永啓隆平豐豐曲初獻

維天心眷有德啓昌期篤生聖哲作之君師既

受帝祉隆丕基推戴聖祖開國興王安民濟世

撰進之臣姓名不傳

功益光尊崇嫡嗣重靖禍機人心天意終有歸澤
洽生靈威振夷戎爰興禮樂垂無窮於昭在上申
錫無疆綿綿宗祀與天長

維天曲○亞獻○終
獻靖東方曲見前

追上謚號王冊文

肅宗九年癸亥

維歲次癸亥六月壬申朔十二日癸未孝曾孫嗣
王臣諱謹再拜稽首上言竊以魏烈永垂於萬祀
追慕彌新顯號加隆於百年闕典斯舉爰陳寶牒
用昭彛章恭惟太宗恭定聖德神功文武光孝
大王睿智有臨英武不世唐運始啓天意已眷於
秦王漢道將興人心允屬於代邸決大策而禍亂
克定恢神功而威德益彰開國承家二聖有付

托之喜立經陳紀八方致寧謚之休臨御十九載
猷為想慕三五上治理鴻厖之澤猶被於遺氓燕
翼之謨永裕我後嗣至今傳祚之綿遠式賴基命
之闕深顧念節壹之稱尚欠貴多之義情文恐歉
於崇奉詎宜因循德美思盡於闡揚更加表揭尊
名追上徵典禮於中朝縟儀並行齊盛休於
皇祖豈但有光於宗祏抑亦無憾於臣民謹遣
臣議政府領議政金壽恒奉玉冊加上尊謚曰睿
哲成烈庶鑑精衷俯賜明格昭耿光於不朽日星
增輝流景福於無窮雲仍衍慶嗚呼哀哉謹言

彰德昭烈元敬王后閔氏

誌文

年世宗二
庚子

謹按 太后閔氏驪興世家自高麗門下侍郎平章事文景公諱令謨六世而至皇高祖諱宗儒相毅陵位都僉議侍郎贊成事謚忠順忠順生皇曾祖判密直司事謚文順諱頔文順生皇祖大匡驪興君諱朴大匡生皇考純忠同德贊化功臣輔國崇祿大夫驪興府院君修文殿大提學領藝文春秋館事謚文度諱霽皇妣宋氏封三韓國大夫人高麗重大匡驪良君諱璿之女以乙巳七月丁卯生 太后于松京鐵洞私第 太后生而淑懿聰

慧異常將筭擇配來嬪于我 聖德神功上王少
有濟世之志留心經史不事家產 太后能給於
治家謹於主饋以勉其功教誨多男俾循義方禮
遇妾侍克盡婦道洪武壬申 上王扶 太祖開
國封靜寧翁主歲庚辰 恭靖王以無繼嗣封我
上王世子封 太后貞嬪其年十一月 上王

受 恭靖王內禪即位封靜妃永樂癸未四月

帝遣趙居任封我 上王為朝鮮國王是年冬十

月 帝賜 太后冠袍鮮麗罕比自是年至丁酉

累受 帝賜凡五戊戌八月 上王禪位于我

主上殿下殿下

舊本無
殿下二字

即位以其冬十一月甲

寅奉冊寶獻號

上王曰聖德神功

太后曰厚

德王大妃己亥正月

帝賜誥印封我

主上殿

下為國王庚子五月二十五日

太后感疾

上

王日至視疾

主上侍側扇枕親奉湯藥凡所救

療無所不至至七月十日薨于壽康宮別殿春秋

五十六大小臣僚下至僕隸莫不痛哭嗚呼痛哉

上王不勝軫悼稍不豫

主上遣大臣請進肉

不許以白衣素膳終三十日

主上哀痛罔極居

于諒闇

上王許於

舊本作以

葬後釋服

主上以九

月十四日上尊號曰元敬王太后大臣獻議以為

五月而葬禮也然宋制王公以下皆三月而葬今

主上久居諒闇不得問安當酌時宜以從宋制
上王許之越三月十七日壬午安厝于廣州治
之大母山陵曰獻 太后稟幽閑貞靜之德克配
聖上以專內治十九年間壺儀肅穆又誕 聖
子俾主 宗社以享榮養嗚呼盛哉 太后誕四
男四女我 主上殿下居三長曰提嘗為世子不
謹于德羣臣上言不宜儲副 上王聞于 帝廢
之封讓寧大君次曰補封孝寧大君次曰種封誠
寧大君先卒長女貞順宮主下嫁清平府院君李
伯剛非一季也次慶貞宮主下嫁平壤君趙大臨
次慶安宮主下嫁吉昌君權趾亦先卒次貞善宮

主下嫁宜山君南暉我 中宮恭妃沈氏門下侍

中諱德符第四子溫之女也誕四男舊本作子二女皆

幼讓寧娶金漢老之女生三男一女皆幼孝寧娶

戶曹判書鄭易之女生五男一女皆幼誠寧娶慶

昌府尹成抑之女無子貞順宮主生女適同副知

敦寧李季隣亦非一李生一女幼慶貞宮主生四

女長適幼學安進餘幼慶安宮主生二男聘改聘

二字恐長聘娶司憲掌令鄭淵之女次幼貞善宮

主生一男一女幼命判敦寧府事權弘書諸石

議政府叅贊臣卞季良 撰

封 王世子貞嬪冊文定宗二年庚辰三月初四日巳巳

命不傳

重配匹所以厚人倫崇位號所以正名分茲遵盛
 典庸建徽稱咨爾閔氏生於世家配于君子夙著
 柔嘉之則常存靜一之心無非無儀在中饋而貞
 吉必儆必戒殫內助以肅雍既敦風化之源宜奉
 宗祧之祀是用冊爾為王世子貞嬪於戲每進
 鷄鳴之戒德音莫違永應麟趾之祥福祿是荷惟
 予以懌其乃之休

封靜妃王冊文

日
 太宗元年辛巳正月
 初十日

撰進之臣

近賜冊寶○舊本作封
 官只稱王妃始於世宗壬子今改之○中

教命
不傳

王化之基必始閨門之正宗祀之統實關配匹之
尊爰舉彞章載揚顯冊惟爾貞嬪閔氏幽閑貞靜
誠一端莊自結髮而同牢夙著宜家之德能決策
而提甲弼成定社之功茲獲紹於丕圖亦多資於
內助肆不忘糟糠之舊用以崇綸翟之儀於戲室
家萬年式衍昇平之祚本支百世永貽垂裕之謀

撰進之臣
姓名不傳

王大妃上尊號玉冊文

進冊世宗受禪初年戊戌
官南在進寶官柳

廷顯

維永樂十六年歲次戊戌十一月丁未朔越八日

甲寅國王臣

諱御

再拜稽首謹奉冊上言恭以承天

厚載雖盛德之難名孝子至情惟尊親之為大祇

率禮文之舊少伸愛敬之誠恭惟王大妃殿下

柔惠安貞慈和淑慎基周南之美化嗣摯仲之徽

音儆戒無違克盡相成之道劬勞罔極難酬載育

之恩儼日御以恒升示母儀於家國念臣弱質叨

守鴻圖仰惟顧復之私宜舉稱揚之典臣

諱御

不勝

大願謹奉冊寶上尊號曰厚德王大妃伏惟王

大妃殿下光膺顯號茂介繁禧享壽富於萬年昌

本支於百世臣

諱御

誠歡誠忭稽首再拜上言

撰進之臣
姓名不傳

樂章

月日同上

思齊 大妃維德之行有相之道適觀厥成即篤其慶克昌厥後福履綏之以介眉壽

撰進之臣姓名不傳

謚冊文

世宗二
年庚子

維永樂十八年歲在庚子九月丙寅朔十四日己卯哀子國王臣御諱謹再拜頓首上言竊以正位居尊克成內治易名定謚當示後來祗率舊章式薦徽號恭惟 皇妣厚德王大妃稟性淵懿制行謙恭念在憂勤夙著宜家之德心存恪慎密禪定社之功及膺大寶以纂圖遂陟中宮而儼極厚體坤

元之順式表母儀敬承乾道之剛賁敷王化陰教
既隆於深壺仁恩旁洽於四方念以眇躬叨承丕
緒期奉歡於百歲何貽痛於一朝既違榮養之至
情盍舉追崇之盛典謹奉玉冊上尊謚曰元敬王
后仰惟昭鑑俯諒情衷誕受休稱垂月星之照耀
永延洪祚等天地之久長謹言

撰進之臣
姓名不傳

謚冊文

恐是撰出不用者而
既載舊本故附見之

毓德儷尊徽音夙著易名定謚哀懇實深祗率
舊章載揚顯冊恭惟 齊莊貞靜淵懿溫恭儼
戒無違克合在中之吉柔嘉維則式推逮下之

仁謂享遐齡益膺純嘏何神機之厯世奄仙
御之乘雲奉養未終慨音容之永閔追攀莫
及撫胷臆以增悲聿申歸美之情敢舉彌文之
典謹奉冊上尊謚曰云云仰惟冲鑑庶允休稱

哀冊文

庚子

臣尹淮

職名
未考撰

維永樂十八年歲在庚子七月丁卯朔初十日丙
子 厚德王大妃薨于壽康宮殯于別殿越三月
十七日壬午葬于獻陵禮也殯殿向晨攢宮肇啓
丹旒載途祖庭奉禮素月明兮慄慄寒風動兮悲
涼 聖上號天永慕叩地增傷望 仙馭兮不返

痛 慈訓之永違爰命法從式叙孝思其辭曰乾
元資始坤道順承母儀之正王化攸行恭惟 太
后生有令德来自世家獲儷 宸極君子好述家
人利貞秉心祗敬率禮相成比登大位奉承 宗
祀祥膺麟趾慶綿瓜瓞子孫振振德音秩秩惟我
聖上撫運昇平黎民於變治教休明惟功之盛
惟德之光宜受多福永享無疆何一疾之大漸至
數旬而靡廖遂奄棄於榮養恨無計以攀留嗚呼
哀哉陳象服兮如在委環佩兮劇忙嗟 聖上之
號慕兮仰蒼旻而痛痒儼庶寮兮侍從藹仙仗於
康莊嗚呼哀哉哀人生之脩短諒天數之參差惟

義範之不泯與日月而昭垂臣承命而載筆敢撰
德而叙辭嗚呼哀哉

追上尊號王冊文

世宗六年甲辰七月朔日甲戌遣左議政李原上

撰進之臣姓名不傳

冊即前十一日廟

至恩莫報徒切愴懷徽號是崇式勤歸美茲率彞
典聿嚴令規恭惟 稟質貞嘉操行敬順心專坤
厚彰懿德於宜家道配乾元昭盛烈於定社載闡
關雎之化遂致麟趾之祥伏念幸賴丕庥叨承景
緒爰謹殊稱之獻用伸永慕之誠謹奉王冊加上
尊號曰彰德昭烈元敬王太后仰冀 淑靈俯垂

明允播鴻休於萬世貽燕謀於億年

撰進之臣
姓名不傳

宗廟樂章

思齊 聖母克配乾剛戡定厥亂資謀允臧猗歟
貞明啓佑無疆

貞明

撰進之臣
姓名不傳

列聖誌狀通紀卷之四



